



文苑  
蒲菡  
十三

賜祭文  
致祭文



20  
2457  
14

文苑蒲菡





2332/14

20  
2457  
14



文苑黼黻卷之二十七目錄

賜祭文三 相臣

頌議政崔奎瑞賜祭文

頌議政鄭澔賜祭文

左議政閔鎮遠賜祭文

左議政李觀命賜祭文

頌議政洪致中賜祭文

右議政趙道彬賜祭文

頌議政李宜顯賜祭文

頌議政沈壽賢賜祭文



文苑黼黻卷之二十七目錄



右議政吳命恒賜祭文

左議政李三佐賜祭文

左議政李堦賜祭文

左議政趙文命賜祭文

左議政徐命均賜祭文

領議政金興慶賜祭文

領議政金在魯賜祭文

左議政宋寅明賜祭文

領議政趙顯命賜祭文

左議政鄭錫五賜祭文

右議政閔應洙賜祭文

左議政金若魯賜祭文

領議政李宗城賜祭文

領議政李天輔賜祭文

領議政洪鳳漢賜祭文

領議政尹東度賜祭文

領議政徐志修賜祭文

賜祭文四 大君王

誠寧大君種賜祭文

永昌大君璣賜祭文



順和君珪賜祭文

仁興君瑛賜祭文

綾原大君備賜祭文

麟坪大君潛賜祭文

延齡君昭賜祭文

賜祭文五 儀賓

永安尉洪柱元賜祭文

達城尉徐景霄賜祭文

海嵩尉尹新之賜祭文

東陽尉申翊聖賜祭文

錦陽尉朴瀾賜祭文

錦昌副尉朴泰定賜祭文

益平尉洪得箕賜祭文

青平尉沈益顯賜祭文

東平尉鄭載崙賜祭文

錦平尉朴弼成賜祭文

海昌尉吳泰周賜祭文

賜祭文六 國舅

延興府院君金悌男賜祭文

光城府院君金萬基賜祭文



驪陽府院君閔維重賜祭文

慶恩府院君金柱巨賜祭文

咸原府院君魚有龜賜祭文

清原府院君金時默賜祭文

賜祭文七 文廟從祀

文忠公鄭夢周致祭文

文敬公金宏弼賜祭文

文獻公鄭汝昌賜祭文

文元公李彥迪賜祭文

文純公李滉賜祭文

文成公李珥賜祭文

文簡公成渾賜祭文

文元公金長生賜祭文

文正公宋時烈賜祭文

文正公宋浚吉賜祭文



Blank space with vertical lines for writing.

文苑叢書卷之二十七

賜祭文三 相臣

領議政崔奎瑞賜祭文

予求古人邈矣風烈絕識亮德純忠完節百祀艱一  
於今親閱先王作人皇士維蔚天降宗臣為邦家出  
河岳鍾精鸞鵠凝質齟齬英妙日以殊泌崇資明師  
造詣特達亨衢發軔希世瑞物明廷儀鳳清廟寶瑟  
霜臺玉署繡斧銓筆神潛氣蘊淵嘿雷決父師之卞  
辭約理悉納牖之諫屢蒙澄察黨棍何害宸眷愈密  
金緋迭躋沁管湖臬疏弊理瘼清勁有律參謨長憲



歷敷貳列攝价燕雲事竣慶溢入主文盟標望誰匹  
宗伯冢宰平步峻秩位高踪感寵隆心慄急流之退  
中已取必蓋燭其幾不俟終日漁谷歸來萬事竿一  
跬步台垣視若履脫確然之志錢疏同轍寧考曰篤  
一覲思切升載丘園責育莫奪景廟夢想有如飢渴  
初元爰立先旨是述遐心如石不可轉斡五載天掇  
再纏邦恤卿乃入臨若宋君實殞筵握手有淚成血  
語誠懇篤扶我將蹶予心暇論先靈應悅尚祈耆碩  
左右承弼白駒難繫素守采屹強留非禮勉從豈缺  
源源往來庶補予失予知卿心在野猶闕群凶煽亂

先喇兆孽勇與忠謀自奮大耄日踈五舍限于城闈  
大相偕入急變始徹誅討之方一遵縱發湖嶺嶺蕩  
飾我鉄鉞乾清坤朗一方靖謐昊天怒遺邦國賴活  
扶社宗功孰與敢軋予念卿操冰玉同潔鳳至斯瑞  
麟畫非屑四字華表乃賁天札桐江逸民高尚漢室  
礪俗清風功高二八矧卿耆德百僚表率不染于黨  
既明且哲一來羽翼真基不接扶鼎之烈鈞臺同萃  
御書珉鏡永耀門閭摩涯龍瀝任卿超豁平地神仙  
靈光獨兀方俟暖煦尚詢黃髮客星遽隕箕精上綴  
永失嘉誨此痛何泄國無蕃龜憂深丙乙尚重節用



如藥對疾銘於方寸庶予殫竭易名盛典不待狀謁  
佾官薦醉表予愴咽精靈不昧歆茲彷彿

領議政鄭澔賜祭文

猗我宣廟治致休明左右儒賢俊又登廷時則寅城  
弼亮弘功清忠粹德百世可宗襲徽台鼎卿寔賢孫  
夙揚峻步鳳噉梧墩師承文正門路端的終始服膺  
曰一字直方嚴遺矩楊氏于南麟筆之義考亭是叅  
正色立朝確乎所守三辭一揖進退有裕先懿克繼  
舊學是傳處窮無悶履險夷然寧考聖哲眷知采篤  
畀以止藩寵以宗伯咸踐祖武超擢匪偶望從位隆

名與實副俄除冢宰徑返故里詎重搗謙自安素履  
睿念不忘特授崇政廊廟傾瞻衿紳引領耆社齒列  
御帖陪榮年高德邵國有老成譬彼高岡千尺喬木  
屢經風霜可棟大屋予初嗣服首起荒瘡欲濟巨川  
爰立作相重入脩門都民加額力疾拜命寫誠陳牘  
豈云衰老方佇協贊一帆江湖五丁莫挽衰丹髮黃  
身逸志豫蓋致尊敬每加恩禮平生苦節蓄冰啖蘗  
構舍賜僕為悶寒約凜凜衰俗星爛嶽峙不見功施  
人皆仰倚行年九十且誦懿戒繫予攸重如蕃如蔡  
迺英奏對尚入夢想久違軒陛遠隔泉壤追惟往昔



曷禁痛盡隱率庀奠邦典是式倅官致辭抒情以辭  
盼蠻如存敵茲洞庖

如製教李  
重協製

左議政閔鎮遠賜祭文

聖祖御極正誼明理寤寐賢俊責飾臧治文忠文貞  
寔應斯會士為型範圍有蕃蔡天又篤生卿鍾世德  
詩禮其訓忠孝其質懷中蓼莪至性天得童年巨志  
不在溫飽釋褐未幾蓬慈自悼十年田野飭躬績學  
甲戌改紀進途始開樂有賢兄連倫樞衡尊主庇民  
守正扶經中外有恃上下交孚咸聯肺腑名宗士流  
肅考曰咨式我蓋臣凡所建白利澤於民景廟繼明

元舅之親追先王遇欲報嗣君血疏憂愛指謂訐揚  
危疑困躓四載南荒予察其誣起廢登庸授以東銓  
遜辭雍容益篤倚毗進位三台卿謂斯世尚可挽回  
囊封袖劄苦心腔血釋就西樞竟又東謫予非踈卿  
實欲保全放還江湖憂樂惟先國勢孤危致卿在洛  
卿亦黽勉未忍便訣許副休致予心耿結優遊耆社  
睠顧宗國老圃寒花雪嶺偃松邦之舊臣望若夔龍  
詢謀乞言遇事披肝銅龍有慶匝海均歡卿始寬憂  
告歸懇惻予則挽卿任便將息聖母同氣獨卿歸然  
倚而為重尊其高年天不憖遺失我黃耆月朔之朝



誰復來侯惟原之阡墓草一宿今聞衣冠再起冥漠  
回瞻明陵纔過諱日牛眠改卜適丁是月予心愴悼  
益復如新時艱溢目法語莫聞念卿誠忠愈久難護  
節惠之典寔出特命殊禮宜亟何待狀請忝官致辭  
文不盡言尚感予衷不昧如存

知製教鄭  
益河製

左議政李觀命賜祭文

乃祖乃父赫世名德式至于卿克趾其蹟天賦正直  
風裁爽卓悃幅無華言論有確文章爾雅宮沉羽刻  
周鼎商彝古意蒼蔚十年經幄一心啓沃禮藝經箋  
談說滄亂承命條關囊封觝捍間佩郡符鍊已若蘂

再長選部門掃冗臨宥密叅籌文壇主盟兩朝受知  
一箇深誠玄默慘變予不欲說同時罹禍卿弟寂酷  
餘焰所及卿亦編籍劫火洞然琮璫不毀予所隱惻  
首命昭洗至寃雖伸重泉難作逝矣西土即宣解澤  
側席以俟采春考翼擬相初政畀以樞甸劄陳幄奏  
屢千萬言叩心至懇滿腔丹血語雖未契忠豈莫察  
予非捨卿卿守愈堅王室一念進退惟均諾灘倉卒  
奔問最先握手勉留事已即旋不忍遐棄終斬乞年  
猶是六霜卿臨益踈願瞻朝堂予懷迺勞寤冥荒江  
破屋數椽人所不堪處之道然昨歲孟冬卿章忽至



文苑補遺 卷二十一 五  
願依日月以沒餘齒辭意悲悽中心有并俄聞凶音  
信用愴惜屬予有疾舉哀禮缺面諭永遠遺感深切  
知製教崔  
命相製

頌議政洪致中賜祭文

唐城華閱我東喬木文貞闡學南寧殉國趾美繩武  
名節卓犖乃祖乃孫世秉勻軸惟卿資稟金玉其人  
聲音笑貌渾然天真步趨中矩和氣襲春秉心至公  
如秤之均養量其弘非人可窺惟廊廟器自韋布時  
俯拾高科探囊摘髻翰苑秉筆玉署論思榮塗極選  
次第歷敷之界長白視符義塘鉤獄稱神按節歌棠

航海拔玉窮髮之鄉越橐蕭然蘖苦冰清真操雅致  
殊俗聳驚銀臺一啓大義斯明扶綱樹彛人皆仰名  
聞歷事變持論愈確凶徒信信暗弩肆毒逆鏡擅柄  
湖左補片賊夢逞凶僭誣罔極卿乃屏退處之晏如  
一曲驪江迹混樵漁嘯咏自適於焉遂初逮予嗣服  
起卿林居始任敦匠繼典宗伯付以掌計財用裕足  
畀以中權師律整肅位躋崇顯家無齷石簡在予心  
進宅百揆端委巖廊安危是倚相時利導庶振綱紀  
用未及究咎實在已不遠其復未幾名卿養閒江榭  
久隔通英進憂退憂罔間忱誠凶書屢掛亂逆斯萌



衆皆緘口卿獨請討賊豎稱兵蒼黃奔走嘉乃忠赤  
益篤眷注再卜金甌專委機務艱危思濟謨猷孔嘉  
小心匪懈體國忘家敷奏剴切裨益弘多務劑甘辛  
痛祛偏頗欵我卿士胥為淫朋卿獨和衷不私愛憎  
豈無涇渭扶抑未曾豈不懷歸憂時未能移奉仙寢  
受命董役夙夜勤勞殫竭心力積瘁成疾天奪遽速  
里撤春歌民有巷哭坐鎮無人爰象不佳中朝發歎  
益愴予懷百身難贖萬事已乖忝官真醉我痛無涯

知製教趙  
明翼製

右議政趙道彬賜祭文

喬木舊家漢陽華閱世篤忠貞義共休戚粵自布衣  
望隆公輔秀朗其容雅重之度迨于釋褐受知聖考  
藹蔚聲名歷踐榮道經席奏講天聽屢傾眷顧斯篤  
獎諭丁寧銀臺擢秩出納惟允湖藩暫出一心廉謹  
及佐選部人服鑑識外和內肅義正言直俄升卿月  
仍贊廟謨感激知遇罄盡才猷藥院侍湯誠殫保護  
若病斯祛發乎聖諭職在憲長預燭曷賤再赴塞闡  
先見意合兵柄特授望洽當世燕京奉使越橐如洗  
慟哭喬山血淚三霜歷事景廟恩眷出常從九卿出  
西門鎖鑰棠化纔宣炎海遠謫鱷水蛇山若赴坦路



文苑叢書 卷二十一  
一  
流離窮阨操守彌固建名舊德卿乃還洛心焉欲見  
引對前席情志交孚愴念疇曩如見卿叔涕淚自釀  
司馬舊符手錫以佩先朝眷遇追報是誨爰降大任  
寘之台司倚如柱石托以安危姚崇善務推圭弘量  
黃閣坐鎮蒼生願望方期濟艱遽就養閒憂國盡忠  
進退無間向者逆亂涉險來覲賴卿曉民群情即鎮  
禍難纒定欽退愈確尚冀復起與之共國天何不憚  
奪我忠良回瞻廊廟已失棟樑疇復倚仗倍切愴惻  
時序荏苒終祥條迫茲遣禮官文以侑之靈其有知  
庶幾歆斯

知製教李  
鳳翼製

頌議政李宜顯賜祭文

寧考在宥顓俊共國時惟忠正乃秉勻軸正色立朝  
名義以樹德業俱尊蔚為碩輔卿乃克肖世濟厥美  
風姿頎秀聰穎絕類清高志操宏深器度學識淹博  
貫穿今古早從賢師志不在小咀嚙墳典探討微奧  
親志是承遂闡鬼科晉塗載闢歷敷清華蘭臺玉署  
華譽日馳嶺藩海臬冰蘖自持內外夷險無適不可  
出處語默未或苟且薇省一疏奸弊斯杜追陳忠言  
匪躬之故眷毗有隆進叅樞要一節不渝歷事兩朝  
泮啓扶正士林是賴銓衡稱物激揚功大凶徒嫁禍



謀危宗國卿時戍邊動忍增益逮予嗣服收招舊人  
卿來自西贊化維新戎壇授鉞頓變旌旗文垣主盟  
奎宿增輝汪劉辭命韓歐筆勢黼黻笙鏞華國瑞世  
博士橫經禮隆尊師編摩國史殫精竭思予嘉乃績  
百揆使宅人情胥悅賢於夢卜浮澆之俗鎮以樸素  
廊廟之位處若韋布間雖遜荒予豈捨卿復置元輔  
蓋欲仰成不率其用予悔至今勉留京輦差慰予心  
謝事之請久而新許前席愍哀式禮以虔洛社優閒  
庶期百年天胡不慈奪我斯造予顧廷中耆德日稀  
卿獨歸然為國蕃龜今又云亡悲深珍瘁絲綸惻愴

予懷曷已

知製教李  
德重製

頌議政沈壽賢賜祭文

斷兮無技傳稱介臣休休有容寔能保民予瞻周行  
非之彬彬允符古德卿實其人信能守國忠之匡君  
招麾不動勇奪勦賁予憫斯俗既薄且囂卿惟元氣  
庶挽熙淳予憂朝象幅裂瓜分卿惟岳峙可鎮糾紛  
匪雕伊朴匪瀟伊醇不待勉強渾是天真式老其才  
晚際昌辰良規講幄正色臺垣本諸史學蔚為經綸  
灣城嶺田沁節湖甸邊墉有屹屹謠變呻寧考曰嘉  
寵錫斯頻朝望雖舊予眷維新甲兵金穀畀以樞甸



殷鼎纒調燕价是掄奎章法醞用侈征輪事豈容力  
誠可質神予實誤卿俾困衆嗔鬻允臺言旋霈環恩  
卿猶自引處野逡巡重命元輔思濟艱屯密勿初筵  
有猷有詢卿士淫朋若何同寅黎元困悴又奚施仁  
卿拜稽首厥有敷陳惟皇建極表準齊均好惡無偏  
王路是遵哀此微徭剝族與隣理之有窮以羊以囚  
劈劃條論傾倒廩困精誠罔積溢於語言謀之多族  
終古所云惜不一試負卿慇懃卿老思歸章告申申  
予篤誠禮誥留頻煩通英日關黃髮時親儼乎垂紳  
藹其如春不驚不搏威鳳祥麟惟是獨立與世無群

恩不歸已國耳忘身論言果發此彼止樊簡賢悔老  
一何無倫棲棲衆鳥隔彼重闈供杖之典將古是循  
虛位以待注意良勤胡天奪速台宿奄淪棟摧大厦  
舟失滄津永念時艱盡然悲辛臨卿平生名德無磷  
內行既備大節斯敦正家之嚴御衆如賓律已之操  
上相猶貪都惟儻屋野無畊昀國恃元龜士仰達尊  
風期條遠典刑隔晨絲綸隱率有隕沾巾靈其炳然

敬茲明經

知製教曹  
命教製

右議政吳命恒賜祭文

仁者克孝義者能忠天生偉人柱石吾東居家行義



事君誠衷曾閱其性裴寇之風五十丁憂哀毀逾禮  
廬墓展誠啜粥終制倉卒臨亂慷慨雪涕奮義亡身  
殪寇存國求忠孝門蓋見素蓄平生雅操千仞辟立  
萬世大勳一柱天擎志確功高四字褒揚輝映御墨  
炳若丹青早逢肅廟最蒙殊渥春坊發軔東銓秉筆  
八年經幄朝夕啓沃壬癸之年持論平迪妖燬通籍  
登對嚴斥夢鏡側目要和欽臨西南按節游刃恢恢  
政舉詰戎才優生財巨萬營積幾補國藏德量幹局  
一代之望聖明新服簡惟在上超判度支兼摠守禦  
際會千一殫竭心膂余方七歲未就外傳戒切蒙養

請勤早諭明年冊封上記筵奏每臨書筵勉誠恐負  
中間卷懷養閒松楸樂園高致午橋深憂綱常扶得  
惟卿忠節時論莫售我后聖德改紀之初首任銓衡  
存戒偏私宅心公平惠局本兵經用火傾料理半年  
乃積乃倉痛矣春暮兇逆獮獠賊我帥臣犯我畿甸  
賊驅騰風國危如綫昂涕波蕩中外震恐半夜請行  
忠臣之勇激厲忠義士皆用命赴湯蹈火率勇將猛  
潛師伐謀鬼藏神秘鑿安擣竹瓦裂風靡捷報所及  
嶺賊隨滅宗社再安朝野安帖玉趾親舉南門受馘  
策定元功王嘉乃績位躋貳師眷卿宿德責丕訓迪



望切薰沐未接曾筵先登鼎席何意末路乃反見伎  
由淺入深持之不已天日俯燭人言胡得卿猶懷慄  
蒼黃迸出臨未造朝疾緣憂時民方加額公忽乘箕  
九重震悼十行哀溢禁橋舉哀禮出常格國將殄瘁  
孰不傷盡余失賢師有淚沾臆念卿平素宏遠器度  
深林鉅谷變化龍虎祿九在外梁之魏成豚不掩豆  
齊之晏嬰麥舟濟窮義庄贍族大防無黨絳侯尚質  
宏德姱節可敦薄俗今焉已矣我心增憾知製教成  
德潤製

左議政李台佐賜祭文

曰有宗臣寧社為悅曷其寧之靖共一德安危不忘

寤寐王室一誠感通天亦可必厥有成言如券斯執  
觀卿進退驗國休戚時之方否卿未忍訣運之回泰  
予莫能奪君臣契遇无愧簡冊何以致卿繫卿忠赤  
昔予履艱妖閹煽孽卿時泣對一腔熱血調護之力  
卿實羽翼逮歲在申危迫呼吸周旋廊廟密贊猷畫  
予時緩急若虎衛霍匪直也卿忠孝天得其源有自  
本諸家法乃祖文忠穆陵良弼手握大斗再整乾軸  
亦粵先卿詩禮貽則宗儒正論尚賴一脉卿承厥美  
外和內慈藹若春溫仁容德色其心有容其口則訥  
寬能鎮囂厚能敦薄遠猷沉慮先憂後樂究其所由



誠以務實遇其所立通其有確自在兩朝倚毗益篤  
滄桑屢閱卿獨完節惟予小子灼見深識先寢薦茲  
予嘉卿恪胄筵銘座予感卿說大庸大試予既心屬  
乃掌金穀乃摠筮穀乃授銓衡咸泰厥績爰宅于揆  
儼其紳笏曷不浸潤洪河之澤雖無運動喬岳之屹  
不自用智衆長是集文東政西各職其職人或育技  
若已之出於天下優何有為國卿惟著龜予倚柱石  
間者許休予心如失跡雖謝朝心猶依闕歸然魯殿  
尚詢黃髮江湖乍往忱素猶結肩輿復入悅若晨隔  
囊封纔奏訃告胡亟予懷震悼中夜增盡昔有元老

惟國之福胡不憖遺惟邦之厄碩德純忠予褒非溢  
哀詔嗟惜亦復何及任官命誅尚歆斯酌

知製教金  
尚迪製

左議政李堦賜祭文

黨議既歧士罔不染豈無名雋而蔽愈甚世道日喪  
逝及載胥疇予志同永念歆勵尚有老成重厚如勃  
婉婉其辭渾渾其質外和內慈耻飾而名譬之大鏞  
其響不驚是謂休休豈在多技早際聖明歷敷顯仕  
詞識俱長望論咸屬事惟求是靡所適莫不黨之論  
至形褒旨卿益感奮獨立無懼往在辛丑賊臣鴟張  
媚卿如仇果售中傷夷然郊野不悔不聳逮予嗣服



乃眷舊臣既授居留亦擢京尹視進如廢唯義之準  
予志皇極擬羊朋此卿實左右協允同異迺判金吾  
乃長天曹晉予台司遂摠百僚其寬可容其守能確  
士類之望重若巖岳既或悅之亦或反之人心異我  
在詰亦歎唯其几几庶鎮群鬧奄遭巨創未究厥效  
吊賻藥物眎予至意面諭卿免戒以勿毀尚待制閣  
重畀國成云胡一疾遽隔儀形時值清齋禮缺舉哀  
撫念恩遇予懷若摧跡卿終始其心甚仁遇事利害  
亦不逡巡所以眷注視為股肱豐陵既逝卿又作故  
顧瞻廷行孰贊予治王道如砥莫肯偕之默惟時事

有增感舊靈如不昧歆此羞酒

知製教鄭  
冊良製

左議政趙文命賜祭文

咨予寡德值茲艱否訐謔疇隄惟相是倚云胡不幸  
災荐樹稼二三輔臣相繼歸化噫卿云亡歲亦逾暮  
緬懷忠勳怛焉心悲回瞻國勢我憂維棘天怒民咨  
網紀壞析譬彼舟流奚所依屆反躬省尤弗寧寤寐  
臨筵有講陸子遺編懃懇剴切罔非法言繩愆弼違  
百王龜鑑尤中予病允矣針砭開卷警惕恍然興喟  
勸講之言始悟卿意存誠納約躡以古書蘇進宋辟  
魏借董謨感卿遺忠顧予多惡納君無過卿所蓄積



由予未和弗克虛受憂愛一心蘊而未布藉彼良猷  
示予柯則有味其言如寐斯覺真真九原卿則無叱  
細檀討論祇益傷嗟予續茲編尚未躬行卿非負予  
即予負卿終始服膺庶慰不昧卿諒予忱尚歆斯爵  
大提學  
吳瑗製

左議政徐命均賜祭文

粵惟先卿相我寧王清操雅望標準嚴廊卿紹厥武  
早世羽敷春藹玉溫鳳瑞麟祥蔚為元氣晉滄亨長  
世之平陂身以行藏純心實德表裏輝光我無偏倚  
人孰否臧往在辛丑逆鏡勢張締引匪類距牙如鋸

卿時憂憤疏凜秋霜忠愛之至論及刑章凶徒信信  
幾乎中傷暫屈西符旋莅圻棠卿又抗章意在扶綱  
群咻莫售忠悃益彰迨戊逆亂中外駭恒叅決機務  
周旋廟堂翹英館閣締繡珮璫司寇三載疏寃戢強  
公平之德民誦洋洋曰是蓋臣相言亦嘗奎甌乃卜  
予弼惟良左右匡拂惟日贊襄洪河喬岳利澤无量  
規度坦蕩爰處中央云誰抵巇致卿遜荒執手敷心  
綸誥有煌惟其誠淺莫回東崗王事為重再倣燕裝  
慶衍宗祊事帖邊疆進退憂均心丹髮黃重起潞公  
曰篤不忘言自樸率意或規匡豈昧忱誠開釋亦詳



卿猶自引十載郊鄉棲棲哀烏愛彼林塘曩造賀廷  
法筵醴觴耆舊來止喜甚周行凶音忽至天奪何忙  
國失著龜屢摧棟樑朝野咨嗟痛均云亡念卿偉姿  
大鏞明璋其言恂恂其度汪汪忠著夷險名完滄桑  
清規儉德灑落名場風期倏隔台宿淒涼絲綸隱率  
邦典是將

知製教李  
宗地製

領議政金興慶賜祭文

古有王臣今聞卿祖有遺忠直卿紹厥武莫曰冲  
亦知卿素一歲再闡鈔齡濶步朝西木天夕馬金馬  
朱衣虎行吏路風灑白簡鵲擊霜臺氣淒颯于外內

聲價山齊喉啓繳竄匪私也公薇牘最謙不諛而忠  
纒纒風緊厥有來歷聖祖是嘉眷禮超格擢之卿亞  
晉塗愈闢卿猶自退雅執冲把西都重任東曹貳席  
地別官清英避益力從前郡庸至于三再志本居卑  
時則重外擢為親屈重以政最圻湖有棠以詠以歌  
瓊琚炳炳不屑菁莪斤斤飭躬讓不自多湖弓結慟  
海桑增悲疏憂祀天淚掩蓬扉乙巳收名獎擢即膺  
韋澳才敵逡巡戶部李膺風裁激揚栢府秩宗惟寅  
廷尉稱平燕橐如洗夏鑰如城遂判金吾嚮用益京  
死愠于己有事則奔誅凶詰逆欲鋤其根褒忠白枉



形動文言彼不逞者徒爾啾喧時去時來倅倅所存  
長陵有役九計以勞銓命玉札寵摯辭牢纔假海節  
旋托邦鉉國倚蕃龜家飭禁嚮蕭何垣屋韋氏經卷  
心如鄭水望隆謝鎮居榮若驚視義為準勤勤奏疏  
披腹剖肝雖批逆鱗輒承和顏忠幾見敬寵或罹讒  
三至不惑有赫天監樞廷耆社稍便卿心尚憂衮職  
屢貢危忱况卿於我舊恩師傅逮予代理戒誨縷縷  
仁孝二字佩在心符緣卿久疾曠阻朝右予念耿取  
宿德黃耆連章引年未忍輕副重宸有惕要適病懷  
書以代藥許卿乞骸庶幾愉逸沉疴去體胡造箕騎

永隔楓陛一門二老相繼凋謝風流漸遠老成益寡

聖懷增傷我涕亦瀉

知製教李  
光運製

### 領議政金在魯賜祭文

黃耆惟卿一代名德山澤之癯冠冕珮玉聰明豈第  
謹慎廉約以禮為學宏綱細自律心制行是繩是墨  
忠憲之子又為忠靖兩世相國惟忠是秉粵在辛壬  
國事罔極分都一疏凜烈悲激一網彌天誰善而免  
謂黨四忠實甘是竄及夫改紀卿乃彙征出入外內  
履顯歷清遂躋上台贊化三紀其間世運一泰一否  
義理晦明禍福隨至屹然惟卿一節終始或討方生



或誅既骨或忠是謚或寃是雪緩急有序輕重有權  
不激不渝無黨無偏自知者心所信者天毀譽榮辱  
奚趨奚避一介斷斷國耳君耳本原既正材猷亦大  
藩臬銓衡奚施不可矧茲廟謨蔚有典則詳慎斟酌  
謹嚴桀黷雍容正笏不勞聲氣士靖其操民安其利  
潛功顯烈孰與卿比咨余小子冲年代理曰傳曰師  
垂拱仰成西樞未幾休章屢呈尊年之義曷不勉副  
尚冀無恙大龜其壽天不憖遺遽返箕宿若舟檣摧  
如厦棟折緘詞遣官余思靡歇靈其不昧庶歆芬苾

知製教洪  
樂命製

左議政宋寅明賜祭文

若稽治世咸有同德氣求聲應感懷非忒夷吾仲父  
諸葛魚水間千載有史傳稀異予之寡昧曷希舜禹  
惟其有志寤寐三古卿時見予時敏之堂小學孝悌  
大道皇王周詳懇至予心犁然淋漓散合予席自前  
晝漏屢移夜燭頻剪豈無他人早托繾綣念予備嘗  
寤言亦驚先後惟卿奔走惟卿以誠待人義形于色  
周旋翼護彈此忠赤豈予一人功實宗社惟歲在申  
胡起穀下嗚呼萬變有存有亡有雷有風有虺有狼  
卿時正笏獨任安危口應手畫左之右之有啓五十



有言萬千其運若神輒發機先狐鼠既捕匪角自落  
沫血請行寸心愈激事兼將相機摠外內竟藉長筮  
迅掃凶穢課忠第功孰卿軒輕試于諸曹試于外闈  
績庸咸著乃晉台閣房謀杜斷用之益熟聖貴時措  
吾有素規疏觀大體不滯一隅人有才劣事有便否  
羅列而進待予裁取文質迭運高卑錯陳主於適用  
以濟甘辛如崇尚通才長救時由是彌綸升年于茲  
原卿事予俱有終始結知春坊遂專委畀辛壬斬鑠  
餘毒未息不有其反世禍曷極予其速覽期有丁未  
卿以皇極為予臺臺或殺其銳或折其過以過以磨

納于太和譬彼為山功在一簣孰非苦心難平者事  
予方與卿圖惟厥後胡天奪速事乃大謬周通之才  
敏達之識何處得來已矣難覲二字易名出自予心  
欲知卿德由此可尋

知製教沈  
星鎮製

### 領議政趙顯命賜祭文

予懲朋淫而思忠後末流懷襄國其隨仆續茲丕緒  
慄慄危懼不有良醫孰砭其痼予用敷求如渴川赴  
惟卿弟昆儀鳳漸羽自在春邸已契殊遇箕範遵王  
卿寔唱首登况夾贊纓冠救閭曰故文純吾有所受  
義經顯此義亦竊取稍殺恩怨潛消刀斧義理攸分



觀人賢否云誰睽乖有失盈在蘭艾互化我常我守  
惜不諧道恢我展布惟茲苦心石猶可透矻矻經學  
耻儒章句發為文章潤色繡黼為國血腔質之穹厚  
畜君何尤有闕思補惟張德遠若仲山甫擬或匪僭  
世固難觀故茲歷試弼予左右胄筵講學東西銓部  
摠戎四壇露冕三路爰之上相望叶霖雨何地不宜  
股肱心膂泥灘討賊元勳是輔勦撫湖嶺厥功甚茂  
麟臺鴈影委佩聯步君臣相得匪緣婚媾前後獎許  
藏存竹素懿此衆美此根於樹子以推之張仲孝友  
鍾祿在外孤寡須哺退公于第豚不掩豆丁憂歲回

懇懇哀顛感卿孺慕遂許廬墓才沾栢淚遽晦台宿  
豐陵云亡志猶未究賢嬪繼逝心焉如割失卿知己  
深增悼疚清簡節操峻正風度寥寥九原寧可復覩  
蠅集玉潔風撼木秀卿歸浩然脫茲讒構民撤幘幪  
屋去棟柱奈國事何不覺涕泣

知製教李  
與章製

左議政鄭錫五賜祭文

國朝賢輔首數卿門忠勞繼著文獻俱存邦之元氣  
家則喬木祥和所積胚胎磅礴卿實趾美篤守先範  
謙恭謹約檢身斬斬居官奉法一是繩衡偉哉翼憲  
暨子東平約躬燾後式穀有人念卿發軔際昔昌辰



蘭臺玉署平步翺翔風儀豈弟爛若琳琅惟其雅恬  
耻為浮薄名塗競驚卿則駐足朋淫胥閤卿則閉戶  
平陂百變名德如故凡今黨禍勢烈洪水上聖建極  
王路如砥孰左右之一二臣同卿登卿昆同在下風  
逮貳選部公義自持何偏何係不激不隨間罹謠詆  
益專嚮紆開圻按察條令咸序廉惟遠名治戒生事  
遂眷持簡俾用歷試乃摠財兵乃長銓禮事由恪成  
積以歲計彼媚疾者淺之為知金甌投卜師望咸推  
有儼具瞻百僚攸式京兆減騶汾陽損樂藉卿簡素  
庶有風厲訐謾未究擠撼何銳上燭其捏則斥以遠

敦名采勤英辭愈懇姑許勉副頤養閒司燕山奉使  
一視險夷風沙羸羸冰雪浩渺脩道撼頓榮衛損勦  
瀋河何地奄及阜復偷然觀化寔見定力生行死歸  
夫豈始料回思際會宛其隔曉宸情悼惜予涕自茲  
庀喪錄孤恩出常典茲命選部亟舉舊章  
知製教鄭  
輩良製  
右議政閔應洙賜祭文

噫予有臣卿實淵靜卿有全材忠孝以並精透其識  
雅潔其性譬彼良金百鍊彌勁襲訓家庭飭躬嚴整  
晚擢科第言議臺省論道啓沃直道以儆行箴出處  
盖有綱領夙好義易潛心究竟持此歸宿義理之正



臨危佐幕約束威令萊府擢秩單車以騁時當搶攘  
安堵一境歸來故山屢違名命非故遲徊曰有所秉  
薄施謹補聊以示警陞秩貳卿纂修功炳間赴嶺臬  
志遂城郢晉長夏官韎韜相慶敦詩說禮卻穀與併  
特昇西門用壯藩屏水蘂自持寔由介勁不大聲色  
條理井井庶白有門重褒以贈眷知宗隆屢授政柄  
公平執秤明鑑懸鏡恢張清議以抑躁競平地起浪  
予憂則恟要鎮世道三黜何病盤桓驪上詩續思穎  
名擅館閣文藻爛煥文典樞要事中外察通變設施  
利及百姓精詳練達在唐崇璟時有爭論莫回予聽

卿乃力扶腔血畢罄進退惟義苦心炯炯非予捨卿  
卿有素定用之未究善類不幸噫彼人言待以機穽  
知卿莫如予豈或熒蘊而不銜衣錦尚褰端方豈第  
望傾朝廷如不勝衣當事奮猛清苦簡約仇者所評  
猶望復起庶圖嘉靖天奪斯速胡年不永艱虞日劇  
死目難瞑惟有事業之銘藝鼎三年隙駟增予悲哽

知製教李奎來製

左議政金若魯賜祭文

瞻焉良佐惟國柱石器度峻整籌謨密勿垂紳正笏  
左右匡弼坐鎮官邪不動聲色兄及弟矣聯翩羽翼



倚以為重朝象安帖君臣同唐寂深契合升載勤勞  
一心忠赤忘身殉國到老深篤醫院盡瘁診送勸藥  
懇懇誠意神明可質緣主一疾天奪何速予懷震悼  
手乏如失親製哀誄以寓痛惜星霜云邁終祥倏及  
仁亭在彼卿則真漢扶昇入覲宛其如昨撫古悲今  
何以抒臆庸表此心命奠菲薄

知製教鄭  
彥儒製

頌議政李宗城賜祭文

國賴世臣人求老成嗟卿宿德害不遐齡卿之事君  
受自家庭卓彼文忠尚遺典刑公輔雅望越在韋布  
一揚于庭袞袞華臚十年橫經八路持芥嫺于詞命

練于籌務為翰為屏掌刑掌禮投之錯盤迎刃而解  
惟我聖明注意既深識其瓌器察其丹心太宰上公  
減出持簡用則未究無替其眷大鵬之喻昔垂華袞  
廓然之教晚益知照卿惟感激以忠為報雖麾不去  
有懷必告齒髮雖凋神明不衰尚冀黃耆柱石著龜  
計聞于朝九重震悼恩遇始終發揮宸藻卿其無憾  
余又何辭式遵舊儀佅官奠卮

知製教李  
福源製

頌議政李天輔賜祭文

名祖際聖門闡赫寫三世文衡事曠簡策卿乃趾美  
器宇卓犖公輔之望粵自韋韋冲襟曠懷大家風植



歷颺清華聲望峻特予所尚卿秉心公直晚始登庸  
進非驟擢文章言議激厲表俗前後章奏炳炳忠赤  
海臬宣化益務乃績叅佐選部已有契合世道調娛  
卿任其責迺長戎垣迺首銓席鑑空衡平躁競是抑  
接寒振滯韎韜踴躍晉持勻軸輿情允若首陳勳綱  
百僚振爾訐謔籌畫動中典則惟卿巍然譬彼山岳  
不見其運功利則博曰惟和衷可囿澆薄式範頽世  
即其清德予心所仗眷注累篤中間駭浪人言罔極  
卿固踧踏予實照燭不待康靖歐冤昭誓歛而歸之  
或汴或洛金甌屢卜都民手額惟介惟通行休綽綽

予聞卿衰重務是釋西樞養痾任其閒適屬缺鼎位  
予擬重卜何天不慙台躔遽圻予覽遺表字字肝膈  
歿無歛衣伎者亦服國事泮潑誰與輯睦廟謨叢脞  
誰與講確中流失楫靡所止泊隱率崇終邦典是式  
倅官致醑表予傷盡英爽不昧庶歆泂酌

如製致李  
碩載製

### 領議政洪鳳漢賜祭文

小子早孤仰倚慈宮慈宮之父寔惟我公公之在朝  
心如有得公之去國悵馬靡釋滿盈招損奈彼造物  
中間世故不忍追說粵春之仲卿始造闕提卿之手  
慈宮是謁愴恍如夢且喜且悲倏爾告退歸騎莫維



瞻彼翫峯曷云其遠自別幾時寒暑遽變寢啖興居  
日有承聞昔疾云瘳予心載欣孰意今日不復見顏  
孝哉慈宮穹壤莫攀爰率百僚臨于禁川惟有庀喪  
可紓此心茲遣近臣洞酌是斟監我至情靈庶幾歆

知製教李  
鼎揆製

領議政尹東度賜祭文

聖人在宥天畀厥良清猷黼黻令望珪璋法家詩禮  
粵有淵源卿趾先美典刑式存羽儀在庭如鳳于崗  
資父以事衆懿攸將論思之長三世裘箕入佐銓席  
出按藩維雅鎮浮競操厲廉約暨擢司農上益眷篤

惟簡在心遂陟上公端委嚴廊寅協和衷密勿籌謨  
懇款忠悃有嚴繩準無越尺寸秉心不徧國耳忘私  
雍容正笏百僚所儀完名素履矚然不滓愷悌溫儉  
一節終始珩第匪華澹若韋緇保傅之尊予親蕃龜  
庶幾神勞以率嘉誨騎箕遽忙九重悼瘳同德徐相  
亦既云亡胡不慙遺珍悴增傷師席周旋悅焉如昨  
伴官告哀式薦洞酌

領議政徐志修賜祭文

聖人御世天篤降棊必有賢蓋左右厥治卿之雅望  
韋平舊閣卿之夙志希文大節置卿臺省漢之長孺



置卿帷幄宋之淳父出而濟飢青之彥國退而養疾  
洛之君實款款之忠侃侃之議日月既燭風霆終霽  
再簡上公民欲天從用雖未究倚則方隆百僚舉笏  
萬人環馬其去其來為言為賀非力所能曷修以致  
豈弟神相云何殄瘁聖心震悼士類嗟吁走卒愚婦  
相吊于塗憶予在孩知思初新蒙養早諭卿實其人  
十年講席其誠可掬開發誘掖俾予無斁既躋師傅  
仰若著龜卿德雖宿齒未及衰庶幾黃耆以率誨我  
而至于斯胡不涕沱朝亡頌輔予失良師伴官告哀  
侑以薄庖

知製教李  
在協製

賜祭文四

大君王子

誠寧大君種賜祭文

壽夭之不齊稟之天命而不可易父子之至情本乎  
天性而不容已此乃人心之所固有而氣數之前定  
者也惟汝之生歲在乙酉迄今十有四年矣未嘗一  
日離於吾之左右予欲進膳汝必先嘗予欲觀射汝  
必隨行凡有起居必與汝俱今其已矣何以為心嗚  
呼慟我姿相端潔無有闕虧聰明溫雅孝悌是行讀  
書時習學射屢中俾之有室又封大君謂將成人慰  
我衰老嗚呼已矣曷其奈何汝始病矣謂為童稚之



文苑叢書 卷二十七  
常事病既篤矣雖悔何及禱祀之闕歟鑿療之誤歟  
皎皎汝面尚在目前琅琅汝言尚在耳傍嗚呼慟哉  
予與中宮哭汝之哀亦已焉我以汝孝誠臨絕思親  
飲恨泉下其可既耶汝為吾子既孝且才無憊子職  
脩短之數實出於天非汝之罪汝其奚憾我為汝父  
歛不得視衾衾殯既不得撫其棺窆又不得臨其壙  
以千乘之主反不如匹夫之愛子非我忘情勢使然  
爾予之為恨其又何極嗚呼慟哉爰命攸司崇汝之  
秩贈汝以謚恩數之隆異於常例今遣近臣津寬之  
寺修設水陸以資冥福且致薄奠辭以侑之嗚呼言

有盡而情不可終汝其知也耶其不知也耶

永昌大君璣賜祭文

受禮王家篤生坤宮喜溢龍顏教領域中寢床弄璋  
天愛特隆寵錫嘉名大君是封方期義方習如自然  
家邦無祿弓劍遽捐疾至惟幾戀戀未已顧托諸宰  
言猶在耳繼統匪人悖亂絕理賊臣逢惡凶虐是肆  
幽閉慈殿無復倫紀戒其同氣畧無顧忌奪之膝下  
投之海澨陰戒悍夫使為不利忍心至此豺虎何異  
一抔未乾遺孤莫保八方悼心行路隕淚速茲十年  
天道有定義旗一舉群凶授頸乾坤清夷綱倫復正



奉我聖母爰反東闈惟思九原泣涕何追乃命有司  
還其封爵以禮改葬庶慰寃結故茲祭告尚其欽格

趙翼製

### 順和君珪賜祭文

嗚呼爾生而至於斯既無嗣胤亦不永年嗚呼爾生  
何至於斯爾本聰穎天賦非畜爾之有疾豈爾之罪  
爾常言語動作有失常度予則知爾有疾使然怛然  
疚懷惟疾是憂人之於爾豈得如予私恩雖篤邦憲  
難撓使爾愁居冀爾思艾何知今日遽至於斯卒令  
爾在世之日不享其祿臨死之時又無其官追思至

此予懷何極嗚呼有生有死脩短命也循常而逝雖  
痛奈何惟其不然是以深慟計聞之日即命有司立  
爾之後復爾之官幽明雖隔情理無間聊將一辯以

諭予心

九謙製

吳

### 仁興君瑛賜祭文

玉潢疏派金枝毓英騰咏麟趾維翰維城粵自勝衣  
已紆分封謙謹自持賧遇殊隆曰在先朝叔父其尊  
宗盟之長禮敬彌敦逮予嗣服不替恩義國有婚嫁  
倚以主事司我饗飧夙夜祗畏為我馳驅風霜遠塞  
既嘉賢勞又喜康強胡嬰急疾竟至云亡暨未試術

文苑補遺

卷二十一

賜祭文

二十一



藥未施方四紀光陰居然一夢痛悼難勝有淚泉湧  
靈辰不留啓劄將迨夜臺真漢儀形永隔殫予深誠

遣官薦酌

之恒製

李

綾原大君俯賜祭文

銀潢鐘慶玉葉挺瑞篤生異質夙驚令譽惟忠惟孝  
得之天賦克莊克慎自在童幼養以冲恬繩以儉約  
泥塗貨利弁髦聲色於世芬華一切淡泊好古河間  
樂善東平建在昏朝宗國將傾讒口交亂禍機孔酷  
抱冤茹毒韜光晦迹艱危之會竟脫纏微天眷吾東  
聖祖龍飛長枕花萼有貴介弟友于融洩樂洽常棣

弈弈賜第君子攸芋風雨是庇力辭增修崇榮已極  
退讓深深謙謙其德翼翼其心玩絕珠璣服謝文綺  
家廷辟立宛一寒士仁獻禮陟毀幾滅性神所勞矣  
瀕危而甦南漢垂圍國命如綴灑泣登陴義形于色  
君親大節始終如一孝廟嗣服適紹先志賑膳無替  
寵錫備至俄纏美疾遂以奄忽撤朝臨慟哀動玉色  
東園秘器太常洞酌隱卒崇終恩禮罔缺工賈肆帛  
黔黎巷哭存榮致哀流澤可掬逮于顯考追舉易名  
寔闡懿行永揚芳聲藐予小子夙慕姱德餘微未沫  
仰止恒切瞻彼若堂維豐之麓置戶守塚尚爾有闕



送臣陳請予可其奏亟舉大典載陳薄具

道一製 吳

麟坪大君潛賜祭文

天胡不吊奪我介弟慘痛在心不能自制一日二日  
歲月易得了了何依南面無樂昔我先王慶膺多男  
長幼之序卿實居三自在提抱訓戒丁寧曰惟天倫  
同氣分形友于之情主於親愛大枕長衾一堂之內  
寢食與同其樂怡怡免懷以來未嘗暫離國有巨創  
聖母禮陟哀制未畢運丁百六邈彼孤島路絕行宮  
險阻艱難備嘗畧同風霜異域骨肉相別嗚呼往事  
念之哽咽九年而返家國同慶團圓可喜賜第分卷

出輒聯騎入侍龍樓晨昏之樂庶幾千秋天未悔禍  
酷罰相繼伯先棄背寧考殿世遺弓未拚予有今日  
十載含恤孺慕恒切恐墜先訓各自勉勗禮貌雖拘  
恩愛益篤急難周旋非卿莫濟專對之材惟卿是賴  
淫霖盛炎虐雪饑寒有事則卿予豈自安固不獲已  
常用憫惻卿體至意不憚跋涉念軫獨賢靡日不思  
忠勤寂著賞典無私以卿悃幅以卿精神餘事翰墨  
亦足驚人東平處家樂寂為善既受景福宜享遐筮  
云胡不幸一疾沉綿經春戀想只自焦煎思何可支  
情切分痛咨循故事駕言臨况察其興居問其飲噉



文苑補遺 卷二十一  
真元有損容彩頓減目驚心憂憫其羸黑強將言笑  
為之寬抑暫時相接詎盡予意歸來取結終夜不寐  
謂年可恃聊以自慰勿藥之喜計日以待俄聞急報  
疾已瀕危促駕由徑行不備儀蒼黃就踊執卿之手  
我則見爾爾豈知否驚痛莫應五內如割孰謂斯須  
便成長訣福善之理一何茫茫行役之勞不瑕有傷  
攝養之方或失其宜抑亦命耶奚遽至斯錯莫難狀  
哭不成聲視襚憑棺少伸至情弱子稚女踊擗仆地  
以予之心那忍見此事業班班國乘可考生榮死哀  
名則不朽嗟我鴈行屈指誰在形單影隻撫躬悲慨

音容永闕遠日將迫忽忽如失此慟何極禮遵三臨  
紀事躬親情文既備俎豆肆陳床帷閭窆門館淒涼  
人亡物在助楚增傷來誰我迎去誰我送森然若見  
倏然如夢式奠洞酌侑以單辭

鼓相製

李

### 延齡君明賜祭文

嗟予延齡子而乃臣義分雖截豈間天倫卿生在抱  
已著聰慧端貌秀神藹然可愛年未教數遽喪所恃  
憫其呱呱眷護采摯駸駸底長頭角稍屹冠而有室  
兩疹具吉乃如成人予憂之解于歲旃蒙始出外第  
豈不惜離典例則然時予違疾已數三年坐徹一宵



文苑補遺 卷二十一  
旋就禁直左右予側小心洞屬眼暗妨視用以為鏡  
脚痺艱運倚以為杖周旋唯諾靡不可意予固忘病  
卿則積瘁矧翔猶慎寢飯豈甘焦腸煎肝既鑠于潛  
隨予溫緜初于遠行風埃鞍馬不亦有傷寢以成病  
其兆伊渴輕乃自諱重或乍息尚慮貽念少愈必強  
根柢則深實踈調將憂方在是何疾之又猶冀宿恙  
且恃年富壽觴齊稱卿座獨缺耿耿念床褥益增悵悵  
倏未數日誰以訃告愴怛震惕非真疑誤衾歛未始  
冀一見面衆憂予病莫遏交諫鬱以未舒心焉如塞  
殞而始往頽然一木儀形若存欲覲則亡一慟回輦

淚眼茫茫鑿官之入况卿左右延初之來疑卿隨後  
瞻忽依倚寢夢猶驚非昧理遣難抑者情卿纒弱冠  
成就何夙愷悌其性濟以恭恪和於接應持守則簡  
急於施予辭受則慎約敕宮隸條理井井歲受師傅  
銘佩耿耿宗寺周衛亦越厨院俱有施設若曾更練  
斯皆可稱在卿猶剩極乎百源卓矣是行謚彰其孝  
廷議亦公天不是福悼惜曷窮爰命立嗣臨昌之孫  
理必有報後或其蕃奕卜衿陽嬪墓之側有願斯獲  
寔誠依格窮陰造迫遠日將臨脩門一別長夜沉沉  
悠悠此慟于何所展仵官致酹只遵常典文主悲哀



豈擇簡繁讀以侑酒庶格精魂

如製教李秉常製

賜祭文五 儀賓

永安尉洪柱元賜祭文

名宰名公種德內外宅相徵靈偏受養誨孝悌之行  
詞翰之藝恢然宇量灑然風驟玉立其標鳳儀其彩  
往在昏朝長秋幽閉仁朝撥反倫常復揭慈情所鍾  
只有一愛釐降于卿恩華絕代位埒台鼎榮視貴介  
然卿所秉常切畏謹拱戴宸極一心匪懈事親竭誠  
居喪盡禮友于情篤諸弟暨妹施及宗黨九族咸賴  
衆歸調給爭誦仁惠座無聲妓衣不華采禮賢下士

雅望傾世惟持謙挹不挾地勢左圖右書觴詠率歲  
文不自矜聲如玉佩德不自顯薰若蘭蕙琴瑟湛樂  
至五十載善積于家子姓昌大兒甥及孫小科巍第  
聯璧登朝重攀紅桂為我後臣出入殿陛卿之福祿  
世無其對獨恨高才限於國制驥常伏櫪鵬未搏海  
倘遇賢路無復阻礙必為碩輔有所經濟曾啣綸命  
四使燕薊備嘗險阻克著勞勩越橐無金周筐省幣  
先朝兩臣嘗被謫配卿引故事露章救解初斬聖教  
蓋示飭礪終諒卿心深隆眷待三朝尊屬獨有卿在  
尚祈百年王室是衛遐齡莫延大限斯屆症患久痼



憂軫靡替凶音遽至不禁悲涕官廨喪奠式遵典例

達城尉徐景霄賜祭文

恭惟皇祖慶繁麟趾維時館甥朅我吉士公以妙齡  
夙膺簡拔徐卿之子素稱竒絕清冰玉壺古豈專美  
鳳凰駟虞人皆知瑞遭逢千載光價為龍都尉舊旃  
達城新封金章寶帶宴見頻繁綺饌瓊漿晉錫便蕃  
恩榮幾時宮馭晏駕嗚呼不忘世何長夜十年竒禍  
一味屏縮逮予撥亂復我邦族愛欲其貴進及崇班  
琅鳴其珮賁儀朝端蒼顏白髮縱非強壯進退周旋  
尚喜無恙庶幾終始不替殊遇休戚與同孰如肺腑

惟公有兜百里之長日者換符蓋便覲養云胡末疾  
竟至奄忽戚畹殆盡轉覺有失顧瞻賓府祗自疚慙  
贈緼儀薄臨吊願乖遠日已卜靈輻且啓幽明永屬  
涕淚彌灑式遣禮官替薦洞酌靈若不昧庶乎歆格

海嵩尉尹新之賜祭文

穆廟在宥貳館皆賢才望德懿卿乃傑然夙膺相依  
最荷眷倚謙約天賦文章餘事頻賡鳳藻天顏有喜  
亦進鯁言宸獎斯侈臨卿蘊抱實罕等夷詞垣揆路  
何適不宜恒制有拘曾不試一傳道于今以莫不惜  
惟天所報大耄是將超然燕喜歸若靈光歸來百載



聲儀漸聞予覽遺集每也興噴於辛於壬致醉者再  
非直也卿厥有左位前月陵園躬駕以展知卿宿旣  
不遠伊近我懷豈已祠部是勅不昧者存歆此洞酌

知製教徐命天製

東陽尉申翊聖賜祭文

匪發匪倡予懷倉皇昊天不復誰識春王俛仰今昔  
益思忠貞矯矯惟卿卓厲蜚英前光胚胎豈誣其世  
乃父文貞曾著茂勳趾美承訓有本有質賓館膺擢  
益勗風節文宜黼黻材合柱石磊磊器量可需邦國  
赫赫精忠不局地處隨遇隨時以殉自許適丁天翻

惟義是秉撫劍之怒焚書之請霜雪讓威日星避景  
旄凋雪窖淚灑煤閣鍾王一字肯染麻竭泥灘片魄  
上朝天闕歸來百載卿名烈烈瘠土嚮義猶以其勞  
紉鬻自有而復何要不隨物移視無其榮無為為善  
自出性情人皆如卿何憂濟屯惜為制拘才優用吝  
空餘寸丹留照北極星紀赤鼠增予心惕春荒沁園  
擯拱喬山沔彼流水何日而還時移事去邈矣典刑  
誰袖緒論以續常經寄爵一觴聊起忠靈靈其有知  
庶歆予誠

知製教李光運製

錦陽尉朴灞賜祭文



世家潘南有弈厥先非宦家庭孝友得天如蘇之粹  
如蘭其馨才邁而雅厥有典刑英華發靈疇與之匹  
洪惟皇祖簡甥惟吉禮以賓館卿年尚髫恩眷寂隆  
或訓或褒尋常燕見愛其穎悟處盈愈謙居貴若素  
既剖而磨寒士之操縱綺其食惟志于糲記覽如神  
在宋而載羅絡于史府庫經籍詞藻富麗筆法妙絕  
何試不可以地而局予視若臍胡然不壽酌之以酒  
靈其知否知製教洪  
錫箕製

錦昌副尉朴泰定賜祭文

聯媯茂胄端凝粹質氣襟之混姿玉之潔蚤事吟鑿

咀史嗽經咸聯禁掖儉若書生昔我聖祖特推濡渥  
紆以寵章錫以品爵禮待之隆一如諸平出入有煒  
荐承恩榮春日靈囿時物華滋步輦選勝輒教卿隨  
兔園授簡魚藻賡章揭揚休命感祝龍光詞婉語警  
睿獎昭垂宸翰賜和圭璧交輝殊遇盛躅實曠今古  
逮事寧考益叨恩數祿位既崇尤守恬約槩見所操  
予庸曰篤承兩朝意深隆寵眷惟歲丙寅邦有盛典  
卿時在疚憂服未竟特令超資用示同慶周廬執劔  
漢陞堅戟周旋昵班莅事惟恪禁直微疾漸瀕危殆  
予心驚慮藥物頻資仁壽理并脩期歛促迨聞凶音



愕焉深盡噫今儀賓存者幾希卿年非老胡遽至斯  
持軫遺懇爰命推恩優致哀贈以賁九原飭舉凶禮  
寔遵彝章玄宅在即益增悼傷爰命禮臣往奠菲薄  
靈其有知庶幾歆格

益平尉洪得箕賜祭文

昔我寧考妙選儀賓惟卿家閥奕世名臣矧卿祖烈  
殉國捐身竒卿瓌質亦絕萃倫操既布素學惟儒珍  
劉尹風騫王令清醇爰命歸妹寔應睿檢眷遇既至  
惠渥日殷緋袍象笏犀玉璘璠朝登青蒲暮入丹宸  
時詣銅龍從遊益親匪親伊友講劇勤勤憐卿雅嫻

識卿忱恂更有諸平惟青暨寅庶奉聖訓恒篤親嫻  
誰知大割奄纏率瀆但抱湖弓莫追梧巡十數年間  
哀樂迭頻靜敬繼喪寅亦九原淒涼鳳臺寥落沁園  
仰念東朝愈切懂懂所喜惟卿家室闔闔矧復有子  
亦既抱孫第每憂卿寢病吟呻苦塊三載罹毒茹辛  
山陵霜露又或損神遐期遽促大運斯臻聆凶怛驚  
始疑非真積日雖久予愴若新撫孤恤孺予所自惇  
庀奠飭事予庶盡恩既悲卿望不滿四旬復悲禁鬻  
只餘三人佳城既卜脩夜難晨華穰遂空褚幕載陳  
茲遣禮官亟奠精禋惟卿有靈格此諄諄

大提學金  
錫胃製



青平尉沈益顯賜祭文  
儀賓之賢莫盛諸平卿在其間夙振芳聲名門令胄  
相門佳兒風姿若穎皎若瓊芝妙歲膺選歸我玉姬  
雅素之操處貴不移刮去豪習詞學是勤居即禁鬱  
行惟儒珍王令清真劉尹文華卿實兼有孰與之多  
肆惟聖祖寵遇猶加亦粵寧考恩顧日涯嘉卿謹潔  
賞卿誠篤龍樓虎闈出入非時燕侍朝夕親之友之  
情愛之隆迥出等夷何意中間大割荐臻蒼梧再哭  
霜露幾新十數年來哀樂相因靜敬既喪寅益繼亡  
追惟往昔永言悼傷所幸惟卿獨全榮福鳳凰和鳴

蘭玉交茁既宜爾室又勤王事前後銜命備盡勞悴  
予追先志尊禮亦至公朝私覲視遇特異每接客儀  
喜其華茂謂言令德永享遐壽誰知一朝奄忽至斯  
訃聞驚愕似夢還疑自卿請告意有微疾豈其因此  
乃底不測顧今儀親零落殆盡卿復早世予愴曷忍  
撫孤恤家心所不忘疋奠飭事恩典遵舊兩朝之眷  
其敢或替遠日已卜玄廬將啓恸焉疚懷無以自抑  
茲遣禮官畧奠菲薄惟卿有靈庶幾歆格

司直中  
懷製

東平尉鄭載崙賜祭文

粵我孝廟有五館甥選極名門固非雋英疇復如卿



雅識令名揚家五公蟬赫芾珩文翼翼憲世為翰楨  
卿襲庭訓克彰家聲自在童外已若老成操履既確  
器量亦宏風標軒偉瑟彼瑰瓊夙膺禁鬻鳳簫和鳴  
寧陵眷愛迥超諸平出入非時偏沐恩榮便著寵錫  
溢篋充籟惟卿素性泊然無營既畧紉綺宛一書生  
小心謹畏凜若執盈乃如之人百祿宜迎中歲悲歡  
滄桑幾更沁水春空西河淚傾萬念都灰一一孤榮  
偃仰容膝茅屋數楹凝塵不掃日親書檠朝章國典  
考據尤精人有質疑應如撞鐘國有大喪必相以卿  
屢管寺院威惠斯并四仗燕節鈴束一行投之所向

路熟車輕論其抱負廊廟可盛局而不用寔缺輿情  
閱歷四朝忠謹深貞力疾庭班靡替厥誠殿歸在魯  
壽期齊彭云胡一疾奄隔幽明臨沒哀籲實沾予纓  
頓祝有孫佇慰九京時邁不停祖載戒程撫念平昔  
愴懷深縈茲遣禮官用餞靈旌靈如不昧毋吐茲觥  
錦平尉朴弼成賜祭文

溫溫文康學醇行粹雲仍碩蕃門戶炳蔚咨卿端良  
克趾厥美年踰就傅恩荷館貳儀度雅靚顯廟嗟異  
卿家儒相樂與講肄摠衣請益戰兢臨履紉扇雪竹  
淡然寒士斥去亭榭不近聲妓制行甚嚴惟孝為至



承事無違父曰養志丁憂血泣二連堪此蒸嘗克勤  
禮度罔墜大羞省墓攀栢有淚終身之慕庶卿無愧  
誠深憂國一念靡弛凡有起居通宵不寐乃心純慤  
東平攸畏提司有三專對者四簡於自持勤於職事  
移孝為忠衆美兼備既睦既姁急窮字穉接賓御家  
無一虛偽輿儻咸服飭行之懿願予知卿龍潛伊始  
朝堂納誨亶出誠意中心感佩言猶在耳時予尚少  
卿已衰齒予今遲暮宛其老矣續題西樓對卿索款  
卿則鮑背婆娑獻解孝顯二朝有七郝尉愁遺惟卿  
魯殿獨歸臨觴懷舊率酌乃已敬老有章鳩杖烏几

刀圭米肉不腆其賜有時晉接握手疊疊為誦曾傳  
老猶學嗜昭園大刻賴以垂示春間輦過駐蹕路次  
詢其寢食勉以將理曾未半年奄忽至此誰謂一面  
便隔生死我心震悼曷其有既古者臣喪禮有臨視  
一哭虛帷庶洩哀思適值靜攝諸臣諫止強抑予懷  
不禁涕泗只遵故事釋服以縵手書諭意亟命宣謚  
又因相奏旌孝厥里哀榮畧備予志少慰第卿純行  
宜享多祉試究平生夥戚歎喜約失偕老鳳蕭淒閱  
幾纏羸哀再繼頓嗣惟此上壽為世所貴老成云邈  
緬想靡暨仵官有告懷不一二靈如有知歆我醴饌



文苑補遺 卷二十一  
洪咨禧製  
官大司成

海昌尉吳泰周賜祭文

維古有言孔懷兄弟念予諸妹次第喪逝哀苦在腸  
何有年歲及茲卿亡靡復靠係舊悲新傷尤釀予涕  
蓋我明安柔嘉且惠聖母情鍾擇配以禮其儀肅雖  
載歸卿第卿世華顯卿姿愷悌歸妹維吉不良其袂  
胡不壽考兩美其儷秦簫拾斷鸞鏡光翳予心曷慰  
禮卿靡替有投篇什有造殿陞唱酬無時燕款踰例  
匪直恩私諒深知契世所驕貴王家作婿澹然寒素  
卿獨砥礪謙恭以居嫻睦自勵發其餘事鍾王遺藝

碑版錯落掩映人世先卿之節倫義昭揭百身何贖  
予恨莫逮卿年未衰病先根蒂若恫予身每分子劑  
幾何不見遠駕奄稅當餐却膳愴悼難制仁善報蓄  
理有舛盪後事蕭條子亦頓繼南望廣陵堂芥迢遞  
死生同歸旌翼將啓綴此悲情向予遣祭肴子內飭  
文予自製一慟何盡餘哀尚滯肆遵國典復陳羞體  
予臆攸寄靈其顧睨大提學尹  
鳳朝製

賜祭文六 國舅

延興府院君金悌男賜祭文

洪惟聖祖濬哲深仁期之未老奄棄臣民天殆殄我

文苑補遺 卷二十一 賜祭文



德穢而嗣穢集無幾綱常先墜腥刑大發惡積凶厚  
于兄既忍於弟何有哀哀無辜才免于乳指作禍胎  
衆賊哆口毒焰上流長秋幽辱嗟卿闔門同受冤酷  
初無題帛事異元康廷單垂誠只益招殃穹壤易置  
國言違恤有防雖峻無洩逾結歲星幾匝天悔伊始  
忝膺新命恭承慈旨有罪既斥何屈不伸痛矣重泉  
莫與更新爰疏恩錫爰復原爵贈首台司臣位之極  
仍開舊兆大封塋域今而冥憾庶安禮魄永奉怡愉  
展我孝誠孤趙勳庸馬鄧貴榮予其不忘于孫與同  
牲體致祭靈其感通

瑞鳳製

浩

光城府院君金萬基賜祭文

昔在洌灘國有內訌醞釀既久羽翼亦衆宗祧綴旒  
日月零粟禍機危亟大小交恐卿惟肺腑誓心隱痛  
奮我孤忠亦收群勇密勿規畫聲色靡動游穀履機  
其艱亦孔賴有一二義協謀從逆折奸萌俾予咸洞  
遂奪軍帥命卿以統王誅肆行無俾易種國以紓危  
天果祚宋豈無他人卿是發縱雲臺燬像茅土疏寵  
山河永指鼎呂增重推功不居處貴愈竦逮解戎權  
猶倚邦棟勲德並茂走卒知誦庶幾百年休戚與共  
一疾不憇淚沾襟贈龍虎之逝狐狸踉蹌百六其會



尊臣盜弄非予不終讒舌太哄恣翻逆案誣彼泉壠  
鐫封籍貫若起私閭事何不有言之氣湧運無不復  
理豈終壅正陽之月天若予諷乾坤再叙誰敢蟬竦  
念卿忠勲憤彼德懣首斷予哀設監以董誥軸重頒  
賞賚隨送盛儀親莅觀者感頌國是大定邦命載鞏  
惟昔卿材衆望咸終平日抱負曾莫容用身後寵辱  
由此昭普抑卿何傷惟予自訟睽彼穆陵松柏已拱  
追惟曩事增予深恫茲命祠部申舉禮供靈其不昧  
歆我誠慳

相琦製 宋

驪陽府院君閔維重賜祭文

喬木蓋臣圭璋令聞器度剛方才識精敏家傳孝友  
世守清白早闡金榜羽儀王國發軔翰苑蜚英五署  
歷敷內外聲望俱著桃李無蹊甘棠播詠爰擢司寇  
繼掌邦政戎兵克詰奸宄自息再長度支國裕民足  
三朝盡節一心奉公班崇牧屨職顯心中克趾厥美  
用錫爾羨篤生碩媛早正中壺式據彝章載疏封爵  
尊榮深至雅操不易以肺腑親如左右手官方有拘  
致用莫究卿雖釋負國倚為重何天奪我如屋去棟  
禮庥雖隆震悼莫追言念已已實多忸怩長門一閉  
恩禮遂衰收還舊秩亦及於卿涇鬱莫伸六變天星



平心徐究宿疑乃亡塞淵微音終不能忘思其善處  
寤寐展轉及予致問語多悽惋令人感動不覺憾然  
在昔宣皇追悔幼年翻然一念實獲我先縉儀斯復  
舊典悉遵春兩所潤自葉流根錫卿舊跡封贈如常  
泉塗改照恩誥增光馬后勞悴千載復覲事同漢代  
媿媿新息九原難作恨不同休不昧者存何問明幽  
睽彼荒阡架增愴盡

姜銑製

慶恩府院君奎柱臣賜祭文

溯論臧臣患在驕忤其不然者僅稱無害夫孰如卿  
於物冷汰求寒蘖苦蘭薰雪灑念昔直學華間藹藹

亦粵忠翼勲庸之大卿承其緒克肖克克世論其天姿  
清粹愷悌簡重自持滋垢是蛻亦既有文為友為膾  
力黜陳言與古人會其書盈箱爛焉繡繪韶呖衆蛙  
豈擢翳薈退然歛飭若無一藝體不勝衣中則明哲  
蹈方循規毫釐必諦內行甚備既孝且悌慕深終身  
恩篤棠棣閨門雍穆施及僕隸發其政術剖析精細  
該司告辦下邑留惠暨處崇極一心憂厲臨深履薄  
翼翼綴綴公退却掃况塞門閉菜根有味緼袍甘弊  
尊雖國舅身乃韋帶允今卿士下逮市丐一口稱賢  
曰國朝最展如之人宜作模楷邦制是拘惜闕經濟



向在先朝聖病積歲卿雖厄悴候班必詣暑以寒承  
晨又夕繼外鑠神形內損榮衛逮遭大喪哀隕踰禮  
夙宵在公靡違身計予愍若茲眷焉憂係歲行甫周  
奄告長逝急計夜聞始驚旋涕念予不吊于天獲戾  
嫫嫫在疚慈覆是賴每瞻羸綴焦中達外私禍又酷  
曷云寬解言念及此痛益難制日月有時遠期已筮  
于何寓哀命官設祭幽明雖隔一理有契精神不遠  
尚敬肴醴德壽製李

咸原府院君魚有龜賜祭文

揚于王庭身冠白筆金矢其貞玉署銀臺望實茂亨  
慶誕仲姓作嬪于周托以肺腑邦國之休既宅元舅  
益篤兢懼粵在辛壬國事罔措群陰用事糾結宦妾  
剔出奸回繫誰之力肅清妖逆扶我宗祏人或不諒  
妄相忖度予悉卿忠在卿何忍衆奸睚眦百般誣蠱  
偽錄莫售凶膽自落履屯無咎素守彌確何天降割  
弓劍遽墜曾未幾何翟禴重晦顧瞻懿陵攀踊莫逮  
予心曷慰賴有卿在卿又棄予予將疇依追慕疇昔  
曷任其悲赤羊一疏危衷炳若爰托心膂篤禱無數  
肅肅勾陳鈇鉞輝弈虎豹在山國勢鞏壯胡不憖遺



凶音遽上殄瘁之痛豈伊私憾爰命近臣抒我衷曲

洞奠一酌尚庶昭格校理閣通洙製

清原府院君金時默賜祭文

弈世茂閎故家喬木世篤忠貞功存王國緬惟先卿  
實是厚德厥有賢胤似之式穀早歲蜚英時望蔚赫  
出入通列翱翔禁直三擇叶言王室連戚處地自異  
倚毗采芻卿愈謹慎心常兢惕性既仁厚質又純慤  
應物以和慮事則確濟之寬易羞彼齷齪循躋顯秩  
力辭華職裁決軍國密勿籌策中權度支甲兵錢穀  
歷試前後茂著聲績一代遭逢三世笠轂高車畫祭

韋布是若親則肺腑倚以柱石為國心丹憂時髮白  
臨卿平生宜享遐福云胡一疾遽至不泐揖敗中流  
樛摧厦屋用實未究壽又何嗇計徹宮闈重宸悼惜  
周通公平聖褒優渥爵謚特贈哀榮備極恩及其孤  
以待闕服頌乎德儀噫不復覲爰命官官式薦洞酌

靈如不昧庶幾來格知製教任希教製

賜祭文七 文廟從祀

文忠公鄭夢周致祭文

嗟惟東國聖學久絕倫紀不明治教攸劣士無定向  
世之良俗百代紛昏大道閉塞公生麗季挺然獨立



志存明道身任重業倡鳴理學為東方宗上探不傳  
下啓群蒙一洗陋學濬發瀛洛文章道德設施制作  
王佐之才天人之學體無不立用亦有方斥絕異端  
培植綱常萬古斯道越賴以明念惟後學是用是刑  
君子之澤施及寡國百世在後功為不極有功不酬  
何以崇德予惟道學懋興斯文遵率不泐厥趣以紛  
振作之幾益宜隆師茲據古例參考典儀從祀文廟  
公宜安之神明孔昭有誠斯存自今欽享世世誦敦  
應教奇  
遵製

文敬公金宏弼賜祭文

崇德象賢帝王之令典記功作祀古今之通規肆  
舉從祀之儀庸示追獎之意惟卿性度溫毅才識  
通明場孝思於庭闈終始不懈揭訓則於家範內  
外無違早遊宗直之門遠紹夢周之緒悟昨非於  
小學作聖根基探微旨於六經治心要領汝昌則  
麗澤為友魯齋後傳道有人蛾子束脩不遠千百  
里鷄鳴講業蓋踰三十年瀛洛闡闢之源極其弘  
邇義利王霸之辨發其精微實是名世之儒宗抑  
亦濟時之國器溷名蓮榜餘事文章遜志芹宮後  
進領袖中丞傳之流涕足見高風闢佛疏之剗肝



可想遺直清芬再騰於鶚表恩秩累超於鷓班戴  
霜臺之鐵冠威分御史秉雲司之丹筆庶列郎官  
重望既屬於經綸大材將展其抱負何圖斯人之  
不幸竟致吾道之難行賜玦投荒禍慘黨銅舍鬚  
就命痛纏儒林馬山故屋窳寔武夷之舍烏舌斷  
隴蕪沒河汾之塋暨及中廟伸寃之辰先王圖治  
之日隆爵美謚禮克備於尊崇懿行嘉言錄已盡  
於編帙緇衣誠尊殊眷彌加於今亡白麻教興善  
諭復著於既沒惟予寡昧之嗣服念此賢哲而翹  
心親承誨音不作同時之利見想望風采徒切乙

夜之夢思顧茲從祀之未違實由累朝之所愴草  
野韋布之士文章盡言胥肱耳目之臣同辭陳懇  
世無矜式而汲汲如渴俗迷趨向而俛俛靡依爰  
許五臣同躋俾從諸子祀秩二簋三豆佇見配食  
於明裡西序東膠宛若列侍於函丈事有機會在  
今日而始成心切繼行奉先志而克舉茲遣禮官  
於家廟以致告辭於菲羞於戲難作九原典刑尚  
有必紀百世盛德何忘敬予至誠庶幾來享  
文獻公鄭汝昌賜祭文

昔我成宗大王用三代胄教染一世于是皇多之



士咸染聖人化作于下時則有若宏弼泊卿魚川  
烏雲于宗直門卿穉齒有茂質端緒便露張天使  
業著說獎之而如朱溪孝溫先覺斯文者稱誦闡  
揚以為華叩其實則親嘗病嘗矢甜苦占吉凶頭  
觸柱見血禱以身親喪苦墓側歎糜飲以既三霜  
毀甚於是乎孝矣女弟貧不能家撤己屋以瓦之  
罄已財若僕若田與之不色難於是乎悌矣是則  
特一事可畧之抑有大焉自孟氏而瀝而洛而關  
而閩似續夫子道嫡其傳而我東藉父師疇繇斯  
羅屬麗末豈少其人而至夢周鼻祖東方學迺今

尚之後無間踵厥武者卿能先得之曾思書務於  
真實地嚙哉造閩不惜一縷飾平生秉志度身正  
出處時仕止一追古聖賢繩律之而自遜稟資後  
人用力百他人其誨人亦諄至在所種化獲效殆  
不可選紀於是乎真儒矣蓋其時即燕山生死人  
不以其人罪不罪矧同門煽禍文墨以逮我卿雖  
死當含笑入地庸何痛哉越我先王愨然傷伸其  
冤不足褒贈之有加唯太學四學八路之疏未及  
副多士願究其事實在于不德雖所述三書已火  
不見世即錄中考厥言行所謂質天地無疑者非



耶茲命先告卿家廟次消吉登之文廟并四賢祭  
卿聖師下嗚呼享廟重禮也小而享先生祭社大  
而勛賢臣享宗廟君子猶榮之况夫子何如人耶  
陪諸壇庶同犧牢搏俎鐘鼓之享于百代後當之  
者又何如人耶卓哉卿於是乎百世師儒矣  
文元公李彥迪賜祭文

天不可恃賢邪相勝理不可誣是非乃定緬惟孤  
忠予切追隱學為晞顏志則惟尹早挺東南歷敷  
臺閣中罹擯絕晦養益篤中廟宣名契合昭融便  
養在外疏奏九重一綱十目大人之謨優荷聖獎

許以真儒迨遇孝陵處之貳公如魚有水遽遭鞠  
凶逮先王初砥柱危疑條上嘉猷正中時宜許國  
忠赤炳如星日愠于群小誣入罪籍遠拘西裔極  
其困辱人所難堪素患不移國是久迷賜環少遲  
齋志沒地世所共惜日月流邁重泉猶鬱天道喜  
還權奸一掃積歲幽寃睿鑑苟照賜覽八規嘉乃  
忠告不幸已亡未見收名閔予在疚思繼先志仰  
稟慈誨群枉畢理生加簪紱死責褒異惟靈之賢  
技乎其萃匡君之道經世之策備在遺書是為後  
法恨不同時獲其輔益眷言舊爵罔符厥德贈以



崇秩昇之上台匪以榮之用慰予懷逝矣東都故里荒涼伴造寢東酌以一觴

文純公李滉賜祭文

稟資純粹天挺英特學朶為己志存濟物先立根基自任進修委質三朝仕與學優遂殿名韞求道采篤難進易退屢名旋乞休養多年益用其力程朱格言鄒魯微旨研精覃思自表究裏養深積厚充然自得擔荷大事遠紹絕學雖未大施表儀家國屢陳疏章精忠惻怛先后季年眷愛尤隆卧龍纔起舜殿已空耿光難覲攀踊莫追旋歸故山予

罔聞知思深側席敢效卑辭來對講筵予幸得師示予周行言辭懇惻上書論治提綱挈自建圖指學闡幽明微作聖經邦初不外茲警予顧謏靜存動察庶盡忠誨以輔台德論思未久告歸斯切寧不追綏以憑以翼第念卿意殿入脩門姑許素履乃安丘園追思今日益愴予情人之明道世不常生遠慕前賢恨不同時况今相遇夫豈偶而天授難留是誰之咎賢者出處係於元后招旌非禮設醴亦憇待不虛拘用之必專予誠未篤致卿辭退千載際會一失難再雲林遠隔霖雨懸思猶帶舊



職不許懇辭庶幾復來圖臻至治天不憖遺永違  
予懷予悼鑑亡士悲山頽有屏環坐寓目增哀嘉  
謨猶在德宇難回贈爵崇禮豈為卿榮惟遵厥訓  
庶不負卿懷允不忘如對典刑茲遣近臣敢陳予

誠

大提學盧  
守慎製

### 文成公李珣賜祭文

道原於天因人以傳人之汚隆道實係焉稽昔哲王  
致崇儒先斯文增重道脉以延予惟本朝文獻之徵  
爰有五臣儒道大弘質有其文彬彬可稱間氣所鍾  
卿乃代興才高志大氣清質粹一變至道真知實履

敬義夾持誠明兩至發而為文精深閱肆留心世務  
熟講精思全體大用貫穿靡遺如有用我舉而措之  
釋褐登朝麟出鳳儀遭逢宣廟寤寐英弼賞卿德業  
置卿近密陳善責難雍容吁咈謨猷底績契合彌切  
群邪側目盜言潛媒天鑑孔昭域弩自摧方期大用  
進踐台階樛木歛隕儒林興哀經濟之才淵微之學  
形於論著畧可尋繹擊蒙有訣聖學有輯性情源委  
理氣離合窮深極微炳若日星間擴未發悉本遺經  
其人雖亡其道則明光前啓後百世可程予從潛郎  
夙慕風規誦詩讀書恨不同時逮茲踐阼任兼君師



賢範匪遠化理可推爰命有司式舉褒隆何以贈之  
秩視上公何以祭之庶羞醇醲允原有知感予深衷  
文簡公成渾賜祭文  
早傳家學晚猶耽道深藏不市聲譽頗早屢徵而起  
萬言具疏立朝幾何每以病去前後超陞咸出衆望  
科非甲乙位致卿相退守丘壑憂國一心何斯此疾  
永辭雲林干戈益深耆舊皆凋珍瘁之痛予懷搖搖  
茲遣禮官用寄菲薄靈若有知庶幾來格

文元公奎長生賜祭文

天資溫粹秉德謙冲飭躬以規接物思恭家庭濡染  
師友切磋存養既久踐履斯篤好善之誠樂道忘飢  
沉潛經籍剖析精微誘掖後進闡揚墜緒聞言與處  
鄙倍自祛平生服學學如不足不求而仕仕竭其力  
中遭溷濁家禍孔憯乃遜于荒亭以處坎予始有聞  
私自興勸初年延訪擢掌風憲法筵講義陳閉其忠  
訓予元嗣不言以衷予示褒嘉貳卿八座冀卿始終  
匡輔予過介石難渝自專素履白首丘園間難糾義  
奔問海濱慰予播遷暨予還都告歸翩然夫豈拘拘  
強所不欲卿曰衰退予愧誠薄世道趨下風化日非  
朝無矜式士失依歸賢人去就實係興替駟路安車



文苑叢書卷二十七  
諭書相繼卿獨何心果於忘世春和已過期以秋霽  
天不憖遺遽喪耆碩邦國疹瘳士林索莫歲規無聞  
典則無咨環顧朝野毗倚伊誰同時之幸不究厥施  
俯仰嗟悼此心何旣茲令禮臣替奠洞酌靈其不昧  
庶幾來餒

文正公宋時烈賜祭文

天地之氣至大以剖其在於人陽德渾方春生秋殺  
各有攸宜君子之強卿則以之惟卿之質峻正莊嚴  
辟立萬仞其像巖巖惟卿之學廣大高明博約兩至  
集厥大成斯文正脉朱子為師涵頁地海眇人忽絲

王伯義利邪正是非一刀兩段謹之心微江漢悠悠  
志在春秋二創餘事莫大尊周際我聖祖密贊大圖  
囊封貼黃垂拱遣撫日暮途遠難平者事樓下幽吟  
弓劍永闕恤矣巴原先帝有廟卿所義起其義匪小  
微卿之功民胥為我旣學之正又功之隆歷選群賢  
卿實為宗三朝開濟禮際彌恭時運屢嬗道有屈伸  
邪說橫流正路斯蕞辭闢之廓依我文公疏理缺遺  
導牖群蒙明理正心蓋有所受百千狂鬧孰敢少售  
不待百年義理大定昭垂典則聖訓煇炳吾道增重  
世教維新逮予嗣服先志是遵敬慕之至崇報斯哀



躋享文廟實循典言統系有歸士趨克咸願其教書  
誤結馳銜事涉不虔爰命是正適當今歲信予愴哽  
風泉之思日月彌深一間茅屋想見卿心何以贈之  
上卿之崇密章覃榮以表其忠感時撫事嗟我暮年  
皇墳祠回俯仰愀然寧王圖事孰予其卒老成既邈  
世級愈末士鮮讀書民不興學脗韋成俗斯道靡託  
表章正學明示法門高山景行百世彌尊仔官告祭  
敬酌彼洞尚有英識敬此嘉命

知製教李  
宜哲製

文正公宋浚吉賜祭文

洪惟皇考撫運圖治疇咨髦俊將大有為帝賚良弼

俾亮天功密勿訐謨一二臣同卿如儀鳳千仞其翔  
覽德而下為聖世祥禹鼎燭茲朝著肅清綱舉目張  
有蹶厥生卿謂萬化本諸人主大本既立舉此而措  
今往何法古惟周宣車攻偉烈內修是先一部心經  
千聖相傳敬義之訓上自黃顛臯謨說命復見今日  
至治之興朝野翹足昊天降割弓劍遽墜蒼黃寢殿  
血以繼淚豐水有苞佑啓後人繼述之責仗茲老臣  
矧予寡昧賴卿有聞服膺明誨越自冲年學而後臣  
以及以師薰陶之益爰及吾兜難進易退固卿素履  
一念君民卿豈忍視日望造朝天奪奚速生民無祿



吾道靡托嗟卿所造夫豈易論就其著者可得而讚  
淵源之遠門路之清明愷悌至誠懇惻先賢氣像  
霽月春風以此贊卿庶可形容人亦有言貴相知心  
予嘗興感致意再三卿昔告歸予心如失予問前期  
卿對以疾臣身雖遠心在殿陛苟有所懷臣敢自外  
言猶在耳俾也可忘前春一封事闕巖廊噫卿中情  
予非不揆慨茲臣隣疇識予意披露心腹蓋待他時  
奄忽長逝豈予所期吞不復宣永隔幽明興言及此  
予涕有滂亡鑑之慟在昔唐宗曠世興嘆巾其不終  
願予相與寧間存沒庶幾此心泉壤可徹冬春荏苒

遠日將迫文矣警欵不聞予側感念疇昔昧昧予思  
匪惟卿思寧考是追爰遣禮官式薦菲薄嗚呼英靈

尚冀歆格

大提學金  
萬重製



文苑補遺 卷二十八 目錄

文苑補遺卷之二十七

文苑補遺卷之二十八目錄

賜祭文八 文衡

贊成申光漢賜祭文

海平府院君尹根壽賜祭文

贊成李好閔賜祭文

副護軍鄭經世賜祭文

判書李植賜祭文

同知趙錫胤賜祭文

判書尹順之賜祭文

判書蔡裕後賜祭文

文苑補遺 卷二十八 目錄



判書李一相賜祭文  
判書趙復陽賜祭文  
判書吳道一賜祭文  
判書金昌協賜祭文  
司直李寅燁賜祭文  
判書姜覲賜祭文  
判書金鎮圭賜祭文  
叅判金樞賜祭文  
左叅贊李緯賜祭文  
奉朝賀李秉常賜祭文

判書尹淳賜祭文  
判書李德壽賜祭文  
奉朝賀南有容賜祭文  
奉朝賀鄭宗賜祭文  
賜祭文九勳府○  
附會盟  
統制使李舜臣賜祭文  
都元帥權慄賜祭文  
綾城府院君具宏賜祭文  
玉城府院君張晚賜祭文  
鷄林府院君李守一賜祭文



附 會盟祭文

定社功臣會盟祭文

昭武寧社兩功臣會盟祭文

保社功臣會盟祭文

揚武功臣會盟祭文

賜祭文十 戰亡將士

戰亡將士及被害人賜祭文

臨津戰亡將士賜祭文

諸道戰亡將士賜祭文

深河戰亡將士賜祭文

祭江都戰場文

致祭文一 前代王侯

開王廟親祭文

閔王廟致祭文 四

三聖祠致祭文

崇靈殿致祭文

崇仁殿致祭文 二

東明王廟致祭文

百濟始祖廟致祭文

高麗太祖陵致祭文



致祭文二 天朝將士

楊遊擊致祭文

史遊擊儒致祭文

陳御史效致祭文

淦死水兵千總致祭文

淦死天兵致祭文

王千總致祭文

盧遊擊致祭文

喬遊擊致祭文

劉都督致祭文

宣武祠致祭文

致祭文三 施朝忠臣

文忠公鄭夢周影堂致祭文

杜門洞高麗諸忠臣致祭文

杜門洞高麗忠臣林先味曹義生孟姓人致祭文



文苑黼黻卷之二十八

賜祭文八 文衡

贊成申光漢賜祭文

靈鄉有山草枯秀鐘三朝宿德一代儒宗有蘊其中  
有發其藻玉珮鏘鏘河源浩浩辭命往來唱酬交相  
禮義吾邦於焉有光曩狃久安廷敵無遠有年無記  
隣方構怨先知獨見惟一老成逮今遭變深服其明  
期仗元龜稽卜決疑天何速奪不我肯遺耆年憂國  
氣力不衰豈意一疾遽至於斯未及留草遺諫以惠  
就第之問予亦不逮死生之憾於焉曷極念及山河



悲深喬木遣官酹酌雖云稽式予情非淺不昧攸識  
海平府院君尹根壽賜祭文

性賦溫雅業專翰墨弱冠擢第厥聲藹蔚感激風雲  
優游近密諫院裁牙金華通籍直論犯顏士林生色  
公議奮發纔出旋入望重天官譽洽湖堂鳳池銀臺  
幾多歷敷名南留崇烏府簪筆分司故都宣化畿服  
奏雪宗誣績高麟閣三禮能典貳公其職粵在壬辰  
身扈西轍寧考嘉乃諭以殉國見危不辭履險一節  
職兼文衡語解華譯之繭遠廣創痛聲急儼相經畧  
心殫力竭前後奉使輒受恩勅畫悴之狀予所親覲

百僚元老三朝黃髮子之視卿不啻手之畧推恩典  
俾為歲式不慙一老天胡邈邈朝亡大蔡國失喬木  
輟朝增悼九原難作一奠雖薄予誠則篤

贊成李好閔賜祭文

間世高才先朝宿德心肝錦繡咳唾珠玉傳家孝友  
弈葉冠弁早魁多士皋鶴獨闡玉堂南床藝館東壁  
銓筆秉公諫官司直常兼槐院長暇蓬山青雲步武  
歷敷清班聖駕西巡同一二臣手執羈勒口宣絲綸  
封敕撰詞唐宗歎惜陸贄草詔悍卒感激勤勞獨著  
猷告是資廟社再安景命重熙二等行封八座疏榮



春官典禮文苑主盟出儼皇使入判王府望實無隆  
眷眄愈注尊為柱國能是哲匠遺弓未攀使節上聘  
跋涉纒還讒舌內導危機禍穽人皆避屏臨郊荒  
書史自遣金鐫石鏤寶軸琳卷剝啄填門揮灑盈案  
趣興優游風流蕭散介不遺世和不溷俗壽躋耄頤  
雅趣深確予始改玉首思延訪強健之恃老成是仗  
晚節逍遙實循卿志歲時朝請不事其事敬在優老  
禮不敢替巨岳時摧長川日逝壽耀淪精文星晦彩  
屈指朝端勳舊誰在洛社淒涼雲臺寂寞鐵券丹書  
帶礪如昨予心盡傷為真菲薄不昧者靈庶幾來格

知製教李  
明漢製

副護軍鄭經世賜祭文

睠彼南紀維嶽維瀆澍氣磅礴挺生人傑道不墜地  
鴻儒接濁靈惟拔萃早事經籍天資秀粹器度淵泓  
潛心正學服膺考亭切琢師友踐履斯篤發於文章  
為黼為黻粵在先朝荐延名譽拔臨菰蒲振儀亨衢  
芸閣秉筆甚文於史趨席講義虞夏孔奴晚遭昏亂  
乃遯于荒身危荼網雖晦猶光歷盡險途介石益剛  
遯卧丘園左書右圖果忘於世蘊積不沽予有夙聞  
暗契風期初年側席首置經幄法筵朝夕以人為歲



魯傳一部啓心沃心訓誨元嗣以義以德再峻其秩  
稽古之力匡輔乃誠不怠終始霜臺握憲據經論事  
春官作長非禮不言山公澈鑑賢士在門主盟文壇  
蔚然徽聲詢茲治理庶幾共貞引章告休造返桑鄉  
儒臣去就實係興衰論書聯翩公來勿遲不圖一疾  
奄忽重泉奪我何速問彼蒼天悲纏士林痛結薦紳  
環顧朝野倚毗何人側耳殿陛履聲寂莫南望興懷  
嗟悼靡及茲命禮官替奠泐酌不昧者存惟冀來倣

判書李植賜祭文

緬惟名卿昔佐聖朝高文邃學力追前古周汪制誥

陳杜詩章人所易見炳朗其光闇然自脩莫窺其蘊  
英華外發經術是本匪唯咀嚼亦復躬行澤風之象  
奉若神明言議行藏灼然可質遇昏處遯際亨獨立  
自結明主用豈不顯呂范無黨知者蓋鮮不懼不愠  
卷懷終身遺編晚出益見所存正論衛道精識析理  
斯文增重公議歸美夷考生平可驗契悟况卿大業  
托在縑素穆陵之世崇極而圯中興茂績冠絕百代  
章蔡小人自成誣史黨議交爭白黑倒置靖社以來  
群情抑鬱卿乃抗章力請灑雪中經喪亂晚始專精  
腐毫六載獨任汗青博採公言網羅放失掃刮晦蒙



昭揭日月心公筆嚴文直事曩與奪之正忮者心服  
功成不朽事光宗祏永念風規九原難作相臣建言  
追舉闕典褒贈爵謚聳動冠冕金甌新卜亦歸賢嗣  
不究之用可展先志遣官先祭實出異禮靈其不昧  
敬予肴醴知製教李  
頤命製

同知趙錫胤賜祭文

天賦美質學蔚醇儒温如良玉皎若冰壺經濟之才  
本諸經術孝友之行乃其疏節發為文章魁于大庭  
羽儀亨衢人覩鳳凰昔在先朝群哲駢肩卿惟後進  
人莫或先秉筆東曹我冠諫席匪卿之華為官而擇

拱手法筵陳善閉邪今世難得玉音興嗟擢居喉舌  
簡在聖衷出納惟允虞代之龍得君之重再煩卧治  
冰蘗愈勵人不忍欺內外華劇游刃恢恢錢穀甲兵  
可見通才逮予嗣服復長薇院進秩亞卿主盟詞苑  
黼黻瓊琚為國之光雍容制誥剴切封章山公啓事  
鐵面御史入告前席肫肫懇至知卿之深恩遇特異  
日者薄譴予豈遐棄庸玉汝成將大其用旋賜環名  
姑置樞冗還朝未幾告凶何遽宣室之對已成千古  
巡軍之直纜隔一宵云胡不慙痛軫臨朝家徒四壁  
覆尸無衣賜棺以斂表予深悲人物眇然時虞孔棘



不有君子其何能國舍用長沒已矣難作不昧者存

庶歆洞酌

兵曹參議  
曹漢英製

判書尹順之賜祭文

昔惟文貞相我宣廟謀深功大古來為少卿追厥武  
夙稱英妙王門虔倬謝家封胡揚華舒翹自闢晉塗  
中興之初禮優群儒朝趨鈞砌夜歸金蓮詞林盛事  
至今相傳時運轉艱哀樂亦嬗迓祖之舉古間山公  
恤孤之恩施自宸衷私門靖居只親典墳分甘辱身  
義未忘君逮乎南狩自野來奔孤城風雨與國亡存  
板蕩之際誠節乃惇茫茫積水滄海之東隣彼卉服

交聘攸通卿膺是命若涉庭壇纔旋使節遂擢卿班  
卿家文貞文追西京瑞世光國久握文衡卿於斯藝  
亦闡堂室周汪制誥陳杜詩律衣鉢之歸卿之無忝  
寶策頻題玉牒屢檢編摩纂述功在國史位躋尚書  
年逾致事雍容閒秩跌宕耆社云胡一疾遽闕長夜  
風流漸遠舊德日謝茲命祠部式舉奠儀辭焉以侑  
庶抒予悲

大提學金  
錫胄製

判書蔡裕後賜祭文

眇予思治尚賴承弼喬木多零卿又天奪國瘁謠傳  
鑑亡慟切念卿奇才挺然英達瑞錦秋濤文藻卓越



王曾壯元華間藹蔚元獻蓬山地望清絕文祖眷眄  
常置邇列寧考寵遇恩波彌濶顯班華貫展步遍閱  
提衡文苑士趨穀率秉尺銓部才罔滯屈逮予嗣服  
注意如一再纂國史筆嚴衆鉞終始蘓冰嘉乃苦節  
位近台鼎心一布褐濁激由清華彰以實末路完名  
豈非能哲早貴終榮世亦罕匹鬢髮未空僅過六袞  
西樞拜命曾未數月誰謂斯人遽終一疾實緣勞動  
念及悲咽同朝咸惜矧予如失里巷奔踊蓋出心悅  
平生內美尤驗既沒華國宏詞更屬誰筆鎮俗清裁  
難見髣髴雋儀雖闕精爽不滅替真洞酌庶歆菲薄

判書李一相賜祭文

名相之孫名卿之子克世其家而趾厥美班班豹文  
翩翩鳳毛鍾呂在序祀梓昂霄釋褐通籍齡甫十七  
科第之早國朝惟一翰苑珥筆鑿坡視簡栢府薇垣  
歷踐華貫屬爭大義奮發危言丁難遭譴有伸其冤  
日月回光雷雨作解垂入天曹自求調外遭遇先后  
特優寵渥朝薦夕拜晉塗大闢迭長三署交貳兩銓  
中書出納圻服旬宣二三同志為國損翰士論是扶  
廟畫是贊乃陟詞壇手執牛耳三代文衡曠古無貳  
亦有令弟群從珠聯次第揚名出入隨肩王謝門闌



燕許才華為世艷稱貴我邦家逮予嗣服擢之槐棘  
冬官地部司寇宗伯綜理庶務潤色鴻猷無施不宜  
任重力優蜀錦之謗何累潞公公議自定予眷深隆  
聞卿有疾曾未幾時遽以訃告始驚終悲奚稟之厚  
奚壽之嗇不究其用同朝咸惜交親歸祿僅成殯歛  
生平所操身後可驗侍藥之勞未及甄賞追加贈典  
位即台鼎

判書趙復陽賜祭文

世有善人維國之紀朝亡蓋臣維邦之瘁其生其死  
輕重關時非夫人慟予其為誰念卿才嫩夙為碩士

名家世德積厚發肆入承詩禮人樂有賢出游翰墨  
衆莫能先桂籍登名雲衢在武剖璫發劓譽聞益驚  
慷慨之忱經綸之論粵自卑官已見所存寧考初載  
群哲彙征誰為後先卿則在廷同心締構新化有先  
遲回館閣偃蹇省郎中罹薄譴豈終遐棄旋蒙召還  
益加器使擢置銀臺復移銓司審清翫要左右俱宜  
逮予嗣服注意深篤歲丁不仁民陷死域一一大吏  
孰管荒政僉曰卿哉是庸為命遂參廟畫仍摠水利  
瘦心億精一力轉志民之疾苦若恫在身事之利病  
靡策不陳吹之响之手以拊之飲之食之乳以哺之



仁聲洽人口我父母朝家德意卿實覃布久處經幄  
益進嘉謨兼長賢閔丕正士趨保釐兩鄰視邦選臣  
凡卿所莅民笑不顰元子國本宜早教諭孰從吾兜  
公率調護周旋講肆羽儀胄筮勤勞輔養首尾七年  
和容義詔隨事必規成就德器正人是資迨茲齒學  
卿主詞苑博士橫經爰舉古典緋袍金帶儼然東序  
酒漿在簠玄黃在筮儒者之榮衿紳歎三掌邦禮  
一任秋官儀文罔愆獄訟是清提衡選部克允且平  
靡容愛憎罔存厚薄劑等稱分絕私杜謁賢勞是叙  
猥冗是斥一箇公字矢心報國徐勉退公只談風月

許允為吏豈私親戚用舍之地疑謗易至點彼白玉  
濯之而已乎庸不釋卿辭益誠姑副其請所以安卿  
賑事方急勉復出區畫百為劄論而達夢囈諄諄  
惟是國計寅昏役役期以身斃固慮積傷果報不測  
籌司之進只隔一日前席之對已成千古方期共濟  
遠殞中路哀此飢氓貿貿道達彼庸何知亦為涕垂  
秦春不相鄭巷有哭人情所慟無異今昔况予之懷  
詎堪愴怛乃如之人何處可得居家孝友立朝忠直  
平生烟幅一心精白耽善劇嗜趨義甚渴劇於律已  
寬於接物溫然其外藹若春陽確乎其內凜如秋霜



才優經世智周識務出而展布經術是傅斯文所闕  
是扶是掖士脉攸係亟引亟續長猷遠望可法可傳  
志在激揚世疑其偏意存忠厚人笑其迂予獨知卿  
卿心良苦餘事文章亦為國華鴻贍條暢不事浮誇  
永叔知舉力矯險僻若實掌誥兼能四六惟其儉約  
得之天賦黜意華侈棲心俛素晏無欲宅黔惟布被  
冰清蘊苦可風百世細行不遺衆美咸衰不有君子  
國何以瘳方其在世人或不覺及其云亡愚智共惜  
愛民之言終於細蘊憂國之志齋之九泉寡躬有闕  
誰復勤攻時政有失誰能折衷登車折輓涉水摧揖

士失袖領朝無矜式歛而全歸在卿何感天不憖遺  
予恫靡極十行哀諭有淚沾臆魂乎有知庶歆泐酌  
判書吳道一賜祭文

有美忠貞相我興王賢孫夙詣人比晏揚早登文籍  
旋入春坊時乎遇坎久矣潛郎涖灘彙征率先明教  
清文邃學望蔚珪璋經帷昵侍講說精詳貫穿閩洛  
上下虞唐若林與朴接翼交翔隆褒浚彼聳聽周行  
蜚英鳳閣擅藝湖堂入秉銓筆身任激揚獨主清論  
庶振頽綱有副不如如鑿於方斥補下邑詎變鏡腸  
頻驚寵辱復閱滄桑湖州嶺郡枳棘棲鳳迹同潮柳



人誦龔黃徵貳選部屬時更張重膏壯轄橐洗越裝  
出莅東藩訶播名棠弘中再入髻已滄浪予瞻歸來  
意猶倔強衆惡必察予篤不忘恩深賜詩戒切履觴  
歷長三司陪議廟廊荐握文柄粉黻有光五日京兆  
聲績茂彰擢拜夏卿師律克臧方期展布益效贊襄  
云誰抵噉構訐交章未暴戴盆終至投荒長沙連遠  
水調悲涼蠻烟瘴雨羈鬼相望環笑未及展脫何忙  
追惟際會感念存亡迹卿平生才識莫抗如竒透悟  
類鄭清劄操潔冰蘂筆挾風霜桂老愈韜蘭死采香  
英風竒氣鬱沒摧藏未究厥用增予悼傷幸復官資

洗雪誣謗九原難作脩夜不賜遣官致辭邦典是將

校理  
崔昌大製

判書金昌協賜祭文

粵我仁廟有臣文正精忠大節夷夏慕敬先卿趾美  
為國良弼立朝本末輝映簡策卿又篤生間世英雋  
訓承家庭輔以學問自在妙齡已負盛名餘事文章  
高蹕雄鳴匪惟質美寔有淵源釋褐登朝鳳翥鸞騫  
延英侍講國子教胄多士聳聽同列推石清標雅望  
一時冠冕世道不幸滄桑忽變屠維往事嗟悔何逮  
陳情一疏令人墮涕升載屏跡非果忘世杜門窮山



獨抱遺經沉潜理窟刻意研精朱書箋註用工尤勤  
深探力噴縷析毫分躬行實踐晚益深造啓牖群蒙  
指南吾道士林宗仰斯文增重予愈傾嚮思欲致用  
文衡宗伯虛位屢召恩諭字摯介石難撓前後勉副  
意在禮遇平生所蘊惜未展布尚冀幡然助我治理  
哲人遽萎朝野同泗噫卿之生天具衆美清文邃學  
卓見高識進可經世退猶範俗卿之一身擔荷甚大  
候其出處占時隆替已矣今日九原難作中朝悼念  
益增痛怛錫賙庀奠豈盡予意茲遣禮官替奠一觶  
不昧者存庶幾歆止

副護軍李  
敏英製

司直李寅燁賜祭文

丕惟爽邦寔資賢雋任遇斯難明主必慎歷簡在朝  
卿惟忠蓋趾美槐庭早襲先訓符采外壘英華內蘊  
懿質純行步矩趨準藝苑載筆亨衢發軔湖路持斧  
墨吏解印彙征之初起自嘉遜經帷啓沃日備顧問  
西關賑饑道絕流殫疏陳萬言眷眷治本政事文學  
隨地恢刁海甸褰帷惠洽覲覲樞司佐籌綜理惟鎮  
荐擢卿孤兼管惠賑十年掌賦民沐膏潤間辭要劇  
于沁作尹戈甲鍛敵餉粟充初悉心保障如鐸在晉  
入長諸曹位望日峻再秉銓衡鑑識明允移授本兵



師律克振文苑主盟蓋循輿論逡巡力辭履滿逾遜  
廷平讞理不撓邦憲度支勾校經費不窘每念時危  
深憂永歎筵對疏論忠猷款款陰雨綢繆區畫周盡  
增隍設堡為慮邊釁人胡不諒迭起擗擯知卿體國  
諒由哀悃批諭諄摯情志交膺倚毗既隆卿亦感奮  
肩鉅任重一意致勉夙夜勤瘁遂成美疾憂深若恫  
屢煩醫診尚謂神勞不日遽損凶聞忽至有淚沾袂  
臨卿平生重厚忱信秉心惟公臨事必謹淫朋論訛  
邦紀日紊獨主和衷務在調鎮閔防制置斥有深望  
緩急必賴有備無患純忠遠慮苦心懇懇誠如君實

器則忠獻將降大任俾率輔贊沙堤未築風燭何迅  
永念國事增予憂懣中流失範巨川無畔爰命恤喪  
賻襚棺槨曷酬勞效庸表悲愍體羞之薦式遵常典  
靈其不昧庶歆菲蕝

校理宋  
正明製

判書姜覲賜祭文

寧考在宥四十七年運隆啓聖頌盛得賢時則惟卿  
名德趾先士望攸屬亞桂魁蓮弟兄三司言論無偏  
金華講易闡發微玄特達之知實自經筵宏辭第二  
令聞采迺課裂三元華級是遷爰命司喉遂貳之銓  
及長諫省罄懷眷率寧考嘉乃乃誠不審春臺擢首



卿月超躔俄又進秩于役于燕忱辭護儲在途章連  
提學三館實昇文權學有淵源士歸陶甄高文大冊  
金石鏡鐫人胡樂禍搆卿論論銷開蝕翳上有慈天  
西樓盛事國朝再傳賢堂錫宴卿實與焉稱觴拜舞  
古兒卒顛時予親覲中未忘旃嶠南暫謫非予卿捐  
先朝之思即錫環旋八十輔國異恩特宣日卿疏籲  
予實惻憐有名未接中心則懸庚寅聖教日星炳然  
肆予洞燭始終曲全顏齡棲肩臨半湖堦卿應戀軒  
予擬還輶遺表在絨逝報何遑忠言死淚耿耿盈殘  
悼傷之極予懷如瘼無處賜批特付史編瞻卿世居

破屋數椽寒素如士澹寂類禪獨秀于班峙岳停淵  
年德彌邵其儀則虔自卿云亡墓草已芊先朝老臣  
餘幾人負文章華國譽孰卿肩庶謹紆褒榮孰卿聯  
簡在寧考予知則專今遵舊儀式酌重泉

司果南  
泰慶製

### 判書奎鎮圭賜祭文

噫予有臣卿實骨鯁精深其識修潔其行譬彼良金  
百鍊采勁卿有世美道德節行久蹈遺矩飭躬嚴整  
餘事文章早臻奧境遂捷魁科望傾朝廷屠維之禍  
闔門竄送蓋昔先卿勲業最盛殫誠衛社悉艾亂頌  
餘黨旋熾私忿自逞屬予更化首還臺省力避權要



寔為自靖論思啓沃直道以秉一言見斥名義斯炳  
三載卧治民頌清靜其在喉司屢繳命令繼長胄監  
克舉庠政痛聞詖淫顛沛何病尊周大義嘗啓予聽  
及祀皇壇赤管膺命江漢深思風泉遺詠儀文制度  
亦多攷訂往者廷議始自稱慶予慚建武禁人言聖  
卿謂時人莫如我敬謙挹宜勉豫大是儆逮予將禪  
腔血復罄斷斷危忠指天為證微予照燭幾墮禍穽  
三至之言慈母亦熒俄起謫籍即授文柄公心持枰  
藻鑑懸鏡適值試獄爰擢廷平援法鉤情幸得肯綮  
出莅保障區畫井井引疾解符時奉朝請憂時慨世

死目難瞑予讀半藁其心炯炯天奪我良胡年不永  
維昔感畹鮮不寵幸地親臨時由卿介耿噫人太甚  
輒目驕橫意欲全安予或示警風霜震薄操守愈硬  
伏節死義求當諫諍間有不合卿豈悻悻清苦簡約  
仇者所評鞠躬盡職孰與之競予則知卿嗟用未竟  
况卿曩歲抗章扶正君臣師生其義則僅言實據經  
悔予未省尸諫之忠壬人思屏今予大覺是非夫定  
惜不令卿毋死少頃舉朝媿媿予側誰警念卿有母  
增予悲哽奠儀有常未及引鉅

叅判金樞賜祭文



先正文純為世珍式卿早升堂寔闡經學聰明強記  
見透識博自在韋布名聲已赫爭推行修屢登剡目  
始屈蔭路旋罹黨籍甲戌更化特紆開釋內轉諸司  
克稱其職出視郡篆咸究惠澤餘事文藻望蔚華國  
晚占一第既罷而復公議獲伸晉塗乃闢周旋胄筮  
密邇經幄緣文講義實資啓沃劄辨澍隱戒及宮掖  
隨事寓規幾多裨益輔保障首膺簡擢仍畀海臬  
試以盤錯一路陽春式嚴黜陟丕興儒化士勵謹飭  
西關授節克壯鎖鑰值歲荐凶民困飢疫卿彈吻濡  
若救焚溺狀聞條奏鑿鑿區畫四載兩藩自持簡約

黨言誣詆在卿何忤微還京輦為軫悃幅歷敷三司  
迭居長席主盟詞苑叅謨籌局藻鑑公明才猷恢綽  
又亞東銓身任激濁望實俱洽言議愈直頃年一疏  
大義炳若世道有賴士類得力以是積忤予所洞燭  
人有幹力鮮該學識惟卿兩備外內咸適方期大用  
待以棟石矧今代理卿處賓客知卿雅度允宜導迪  
卿所書勉紫陽語錄竟違講討幾勤嘆惜休告屬耳  
一疾奄亟風儀永闕天何奪速爰命祠部薦以菲薄  
不昧者存庶歆洞酌

知製教  
俞崇製

左叅贊李緯賜祭文



粵昔寧考運啓亨熙左右儒賢貴我文治卿惟晚出  
尚及盛時喬木之世醇儒之姿餘事文章華譽夙馳  
妙歲大闡明廷羽儀出入風議啓沃論思黼黻經綸  
衆望同推乃公乃卿匪卿伊誰卿乃不顧卷而懷之  
讀書求道俛焉孳孳閩洛緒餘經傳精微覃思妙契  
能自得師既博以約實踐真知絕學復繼斯文在茲  
四方摳衣咸就鑪錘一部小學先立根基不驚高遠  
迨自近卑教法嚴密門路坦夷闡幽明微答問難疑  
誘掖成就各適其宜縱蘊不敷亦普厥施士林山斗  
國家著龜曩予初服誠深緇衣卿時造朝予欲倚毗

胡適其歸谷駒難維俾主文盟卿乃力辭俾輔元子  
卿又病移抱負莫試予實與咨然卿之生夫豈偶而  
振我儒風世教是裨民彝物則賴以扶持誰謂一朝  
竟至於斯矧卿一覲病間為期予方虛佇天不憖遺  
邦國殄瘁賢愚同悲聲光永闕奄及一暮茲遣禮官  
奠以洞卮靈如不昧式歆庶幾

知製教李  
德重製

奉朝賀李秉常賜祭文

世運之彌鮮覲完人儆曰剴勁則欠溫醇厥或端潔  
而多緇磷孰克兼之卿實邁倫卿姿簡直而氣精純  
溫然色笑和煦陽春確乎秉守苦蘗貞筠清操雅度



冠冕搢紳一節三朝蔚為畫臣爰初發軔際會明辰  
芹庠擢魁峻望嶙峋慈臺唱第華間彬彬法筵橫經  
詞垣掌綸衆所奔趨卿獨逡巡玉佩瓊琚步履恂恂  
豈無諸彥輒推前塵往在辛壬值時艱屯斬伐肆行  
善類飄淪蒼蒼嶺海虫蛇攸隣如赴樂地眉不為頻  
天道回環朝著清新起自竄籍進當要津文衡銓柄  
恩旨紛纒或就或英惟義是循事有難平卿則奉身  
歸卧湖廬守志安貧大亂甫經朝議思勻維時泮澳  
待卿協寅卿心如石尺疏叫宸薄竄旋宥伊教匪嗔  
終賴至誠群枉畢伸脩門重入英牘猶頻都人手額

瑞鳳祥麟均賦司農遺愛在民粵予齒學古禮式遵  
卿為博士寔膺睿掄義冠博帶燁如丰神既叶甄卜  
庶秉國勻胡遽懸車跡踈城闔尚冀愍遺坐鎮昏冥  
嗟邦之瘁卿忽返真大厦摧樑高車折輪風操永闕  
老成凋湮感念舊德增予愴辛茲遣禮官亟奠精禋  
惟卿有靈格此諄諄知製教金文行製

判書尹淳賜祭文

觀古君子莫難貞一誰其介立不緇于涅風波世運  
平陂禍福變故迭蕩我秉其植不以時隨不撓不激  
終始以之予曰卿獨乃祖文貞翊我興王篤生聞孫



金石其相瑞于明廷同并暨兄清兒照人暎發精英  
此彼冰壺貯之秋月清文絕識輔以經術兵刑之事  
金石翰藝觸類旁通精能獨詣歷于三朝靡華不敷  
清規雅律冠冕周行予時得卿曰自震幄之駐群馳  
侃侃色正霜冰之機我獨先踰俟于時積困信噬  
賊孽于戊湖師汝撫干戈籌策以卿文武長我銓衡  
公忠時仗提盟三館粉黻載冕庶幾彌綸一二臣同  
克殫忱恂救我治功難平者事或噉之抵卿覩其難  
有翮歸袂滂山一曲角巾蕭灑閉門劬書有味淡泊  
屢有匡拂尚眷宗國間者藩寄勉為我作西門之出

不幾月日言邁于潼未遑自佚風沙邈越勤死于野  
追思際遭靜言涕下君臣知己匪予言夸所存者深  
人見其華經帷講訂獨多闡奧學力之遠陳不非道  
名以賓師俾補元嗣相我三推耕禮適備東觀大冊  
義例其嚴南漢遺矩辟壘猶森廡寒素規貴而不失  
膠漆之溷獨我簡潔江湖日多在朝幾時謀王斷國  
未率厥施已矣斯无何處得來奪吾之速邦人攸哀

副校理吳  
遂采製

判書李德壽賜祭文

予惟文章寔是華國升降之運與時消息粵我列朝

卷二十八

賜祭文

十一



代有宗工搗為采色黼黻熙隆洎乎軌近體裁未馴  
氣餒而弱辭腐而陳卿乃奮興一起其表博厚沉鬱  
蹕厲恢奇雋永之味蒼澗之色不事藻繪自合軌轍  
上沂西京步武子長下沿唐宋繼韓歐陽逮予新服  
畀卿汗青命卿教胄授卿文衡晉擢冢宰簡自予衷  
匪直文華實嘉公忠方之卓茂敦薄其風真心直性  
曠度純誠寵辱百變不震不驚位列孤卿處若素儒  
薦几閔疢但聞伊吾微辭入玄達識逢原發之規諷  
有味其言延英講義震邸橫經啓沃之弘開發之明  
誠忠款朴屢勤褒旨尚賴典刑佐我文治卿胡先老

乃思歛藏浩然其歸清漢洋洋忠愛根性臨湖心闕  
苟有執政警咳不輟修潤禮書屬筆方勤履纏奎壁  
哀訃遽聞綸綍垂悼官庇加恩念卿平生全德完名  
文為不朽百世有聲國載琬琰家照碑版在卿何憾

增予歎惋

知製教尹  
得載製

奉朝賀南有容賜祭文

冲澹性真孝友行敦詞學淵源文憲肖孫二難令譽  
一代高標晚捷巍科事我先朝玉署銀臺遍歷華班  
言多啓發函盈琅玕逮陞亞卿即主文盟誥尚體簡  
士服鑑明世方澆漓獨守澹泊懸車閉門床帙樽醪

文苑補後

卷二十八

賜祭文

二十一



藐予冲齡契托甘盤輔養導迪一出忱丹先后是嘉  
袞褒屢摯推予資益獎卿端粹益梅譬隆臯此恩曠  
玉音在耳於乎可忘前後進秩簡由輔導履茲初元  
溯昔興悼招見卿子尚有典刑編付剖劂恤逮俸伶  
爰遣近臣洞酌是斟不昧者存庶斯來歆

知製教申  
應顯製

奉朝賀鄭宗賜祭文

貞以世篤二祖唱應有厥所受習熟門徑正色立朝  
隨事無隱不畏疆禦知有素蘊疏辨時議亶出憂愛  
無嚴之斥彼相浹背若赴清涼炎微杳冥孤舟出沒  
十日南溟西府分憂蘼苦冰清惠洽發廩頌溢興豐

嶺俗醜正論文嚴方玉署獎雅寶墨斯煌西臬饒華  
稱之自古黽勉就道匪求伊補文苑典衡天官執銓  
物固儻來處必乾乾耆社乞骸白首江湖有未忘情  
左右圖書憂國如家身退心闕天不憖遺云胡遽奪  
老成凋零予懷惻傷不昧者存替真洞觴

知製教沈  
有鎮製

賜祭文九

勳府  
附會盟

統制使李舜臣賜祭文

粵自壬辰島夷猖獗列邑瓦解凶鋒執逞卿於是時  
首提海師一舉殪將大張我威雄居閑山賊莫敢窺  
蔽遮江淮惟卿是倚上年之敗言之痛矣使卿而在



豈至於此易置失宜是予之罪將伯求助何補臭載  
卿再受任承此潰裂收拾極蕩招募散卒以寡敵衆  
克摧海賊中興功業此其第一造艦營糧用智如神  
曾未周歲舊績重新協力天兵進攻賊壘蒙衝一鼓  
士忘其死天將興歎虜魄自褫哀辭乞退即夷常態  
縱賊生還尚可為耶謀之不臧卿獨奈何伏甲邀擊  
亦一奇計滅此朝食壯志愈厲半夜潛師冒死直前  
唾手鳴鏑賈勇身先將軍令嚴士氣自信烟消赤壁  
氛豁青海兵興七載未有此捷繫誰之力非卿莫及  
那知天意竟難諶斯大事垂成身遽死綏可哀者卿

功在宗枋忠節炳炳沒有餘榮人生於世一死難免  
死得其所如卿者豈長城一壞保障誰托邦之無祿  
視天真邈予實負卿卿不負予痛結幽明云胡其吁  
贈爵吊祭豈盡予懷

都元帥權慄賜祭文

名家傳德毓慶流祉相門出將繫趾其美早猶蹀躞  
厥耀斯闕晚乃蹈厲有卓其器惟簡在予擢自郎署  
何試不績予倚心膂屬茲寇警予罹播越列郡風靡  
八方瓦裂鶉鳩武旅以遏橫潰卿能奮義誓師南裔  
飛檄勤王建牙集士振臂一呼瘡痍盡起捷于梨峙



鼓敗為銳截彼咀噬張我氣勢暨授閩寄愈往愈礪  
提兵直上嬰壘郊圻不挫不撓動中其機若坊制水  
其敵克壯跳踉銜怪敢干天網搃敵決勝如運股掌  
三版志專九攻技拙百雉齊固群技同力保障再完  
兇渠褫魄鄰人向風指期匡復嘉乃之休畀以戎重  
先機沉筮韜畧研洞八載行陳視險若夷委身劬悴  
仗節驅馳犄角王師竟就大伐有始有卒逸偉炳烈  
勲合旂常忠存社稷謂言還朝庶謀進用胡寧不憖  
增予之慟風霜霧露榮衛內痼中途奄淪由予之故  
國耳忘家死以主事於卿則安予痛何已崇終雖備

馳澤邦逮即遠有期為之一涕天奪之速重予顛隳

茲諏典式爰致奠儀泐酌菲羞冀紓予悲

大提學  
中欽製

綾城府院君具宏賜祭文

氣質剛方精神秀朗自桑蓬齡負干城望歷試邑縣  
游刃盤錯時丁昏濁禍延宗國密贊謀猷一乃心力  
彛倫再正策勲麟閣山河礪帶永世休烈無如嬰賢  
注意彌篤門列旌祭家聲焯焯位崇志下處簡履潔  
分閩南陲海防無缺連長西銓輿望允協兼摠畿輔  
久典禁旅將士悅服軍政修舉爰判金吾惟法是視  
罔或屈撓廷尉當是二十年來一介斷斷相從患難



同心孤偃或有良翰不顯申伯國步斯頻西事孔棘  
方期共濟庶資石畫云胡一夕天奪之速纔聞疾作  
哀計遽至儀形已隔予將誰倚言念及此益切痛悵  
式遵禮典載奠菲薄不昧者存想宜來格史曹正郎  
鄭泰齊製

玉城府院君張晚賜祭文

器量宏遠性植冲和雄才健畧餘事決科受知宣考  
久敷華顯乃試于外屢典方面逮予初服倚毗愈隆  
邊鄙多警命摠元戎親整壁壘有肅軍容貳以匪人  
跋扈窮兇涇原亂唐歷陽逼晉乘輿播蕩京師大震  
卿迺追躡長驅直進指授群帥克清大憝策勳麟閣

山礪河帶惟簡在心擢授夏卿衆望咸歸倚若長城  
丁卯之變再專師垣清川莫遏失我西門時有不利  
蓋其勢然暨循輿議處之湖堧豈云遐棄昧昧予思  
旋復舊班無替寵私視猶股肱休戚與同云胡一疾  
閱歲彌瘳謂神所扶庶冀勿藥哀計遽聞深用慟怛  
輟朝減膳曷盡予衷儀形已隔涕淚無從爰徵禮典  
式奠菲薄不昧者存想宜來格

鷄林府院君李守一賜祭文

天挺之豪嶽降之神雄雄壯氣赴赴長身自桑蓬齡  
有干城志班超燕頤李廣猿臂劍學白猿符傳黃石



文能附衆武堪威敵早擅美譽從事封域登壇分閫  
禦夷制狄天南塞北并舉其職求諸古將不可多得  
頃值逆泚蛇豕荐食三宮播越列郡退縮西師躍入  
先據北山卿能出奇摩壘示閒功歸大樹形畫麟閣  
勒石銘鐘名高位極年幾八袞爵視柱國善始令終  
為世法則健帥云亡據饋長息停朝賜祭用伸予惻

參知趙  
緯韓製

附  
會盟祭文

定社功臣會盟祭文

伏以國之有君臣朋友猶家之有父子兄弟當以忠

信誠慈固結其心永保終始况乎要質鬼神歆血同  
盟者哉惟我太上王以神武之資獲天人之助而予  
小子亦克左右弼成大業開國之初首與勳臣同盟  
以固忠信不期權奸懷私背盟分朋造黨挾幼奪嫡  
謀害我兄弟將危我宗社幸賴天地宗社陰隲之佑  
忠賢奮義克造自瀆以嫡以長扶立上王天倫始正  
宗社再定又與勳臣同結盟好未幾讒邪復背其盟  
搆釁闕牆稱兵作亂親勳將相應機勘定罪人斯得  
既伏厥辜是則違盟必戮現有徵驗可不懼哉逮予  
小子繼位之後與佐命之臣同歆盟血期與保全于



茲有年自是三盟之臣協心輔我式至今休凡有慶  
吊相與赴集可謂和洽無間矣尚慮前後不與同盟  
者其心猶以為未固也特消吉日乃會三盟之臣昭  
告上下神祇更尋前盟以固其志自今既盟之後各  
自勉勵異體同心忠誠相信恩愛相好親如骨肉堅  
如金石殫誠竭忠夾輔王室忘其私憾惟順公室常  
以安社稷利國家為念孜孜協力終始無變永享福  
祿共保安榮世世子孫無忘今日苟有匿私挾邪渝  
盟背好潛懷疑貳外親內忌造釁分朋結黨陰山傾  
覆誣陷同盟者是欺天地慢鬼神背君父也幽則必

有神誅明則必有王法非止其身殃及子孫有犯關  
係社稷者當以法論亦如前盟所載是皆自取其誰  
之咎天地神明昭布在上各欽誓言永勉無諉以清  
酌大牢式陳明薦

昭武寧社兩功臣會盟祭文

克清大憝斯著茂伐盟府藏勳神明可質邦運屬否  
亂逆相尋空山枯骨亦復生心假名惑衆聚族連黨  
眾狀朝廷掠奪鎧仗跳踉巖邑謂天可射賴我惟良  
仗義協力翦焉則定席卷雲撤集獍無懲蹈火繼吠  
昏時肺臍賊臣餘流挾助宗戚矯誣慈旨密通闡內



陰托宦寺募集不逞誑遠通潛兵輦輟結約將校  
兇徒齊舉禍迫一夜迺有舊臣忠志之士炳幾犇告  
逆折干紀罪人斯得殘孽罔逃予嘉乃功晉爵甄勞  
丹青之炳宗社之寧同指山河垂裕追榮凡膺胙土  
新舊畢至暨彼後昆罔不來止陟壇陳牲載申之誓  
式自今日迄千百世君臣上下恩義無替終始一節  
休戚共之苟渝此盟有如神祇

大挺學李景奭製

保社功臣會盟祭文

於赫我朝列祖重光盤根奕葉駿命無疆喜有厯詰  
勲在王室金石流徽竹素炳蔚噫嘻今日亂賊干紀  
袁凶鞠逆未聞前史豺狼之性近出周親集獍之毒  
竊發柄臣吳楚同奸懿昭濟惡設屯深峽陰嗾噬  
圖復體府擅弄戎權履霜之漸馴致冰堅腹心周布  
機牙密張計憎胡服僭極王章締結兇徒覬覦神器  
謂天可射約日饗士禍機之慘伏於肘腋宗社之危  
迫在晷刻賴一二臣休戚與同刺察先幾仗義奮忠  
爰暨爪牙奔走効勞銖姦必知鬼域莫逃迺禽兇孽  
澌問取服天討既行京觀斯築氛翳廓掃國步如磐  
傾否回泰轉危即安赫臨降隲繫賴神明協贊匡復  
實藉忠貞予惟懋乃謂篤不忘焯勤彰烈古有彝章



文苑叢書卷二十八  
二  
黃河泰山亦載漢志盍舉斯典以旌予意揚以大誦  
命以保社疏封錫壤贈先逮下慶賞便蕃湛恩汪濊  
載修玄壇敬申明誓血此剝鬣同指白水舊德遺昆  
亦皆萃至惟忠惟孝百代無墮苟渝此盟神實臨之

應教崔錫鼎製

揚武功臣會盟祭文

粵我立國禮義為本化理既明名分無混天綱地紀  
各得其位上下相安恩信交至世教既降黨議乃歧  
水深火熱痼疾難醫逮于寡躬適丁否會飭勵雖勤  
倫彝日晦有賊曰鏡集音撓膈首倡凶言公肆譎張

彼顯與翼乘時覲覲謂民可罔謂天可誣附麗寔繁  
陰交暗締醞釀禍心自癸甲歲屢掛凶書先售誑惑  
奔嶺走湖呼聚同惡廢族懷懟愚氓被誘鯨鯢魍魎  
為之先後麟亮諸賊誰不絕痛若其窮凶徵最賢夢  
或躋顯秩或聯肺腑始此淫朋終背君父表裏相和  
布置幾成禍機未發衆心數驚元老燭幾陰圖先露  
狂鋒倏起勢急風雨湖閩既喪向邑繼擾危迫呼吸  
中外震掉元戎奮袂仗鉞出師虎將効力蓮幕獻奇  
王征無戰臺安掃竹餘孽望風載竄載馘二師圍城  
爰錫兜鍪決勝帷幄密勿良籌效順者誰賊謀時告

文苑叢書卷二十八 賜祭文



奮義有人手縛逋盜臨危敵愾嶺邑之臣成績雖殊  
 輸忠則均妖氛廓清邦命再昌南樓受俘慶休無疆  
 赫臨降隲予顧何力忠良致誠嘉乃曰篤報勞酬功  
 厥有舊典疏封錫壤用示彰善恩禮既洽情志交孚  
 永絕偏陂共勉都俞舊德遺昆亦皆萃止蒼穹可質  
 白水在彼曰忠曰孝無荒無隳苟渝此盟神其鑑茲

弘文提學  
尹惠教製

賜祭文十

戰亡將士

戰亡將士及被害人賜祭文

物必有終全而歸者蓋寡人誰無死得其所之為難

嗟汝曹之不振非夫人而誰痛咨爾陣亡人等才名  
 揚業意氣吳鉤桓桓貔虎熊羆共負兼人之勇赴赴  
 干城心腹爭懷報主之忠始同麥鏡之先登時之不  
 測終類杞梁之輕進命也如何與螻蟻與烏鳶哀戰  
 骨之誰托為沙蟲為猿鶴痛旅魂之無依咨爾被害  
 人等或鼠竄於山林或鳥駭於道傍干戈滿目竟脫  
 身而安歸豺虎咬人奈逃生之無術既赴火而投水  
 亦陷鎬而罹鋒使汝至斯實予之咎死王事死溝壑  
 爾雖異於公私哀赤子哀爪牙予何間於彼此終當  
 掩爾之蒿且將恤爾之孥士同殺身而成名宜無憾



於爾輩人有無故而就死誠不忍於予心茲命有司  
用陳薄奠死而不朽想英爽之猶存魂其有知倘仿  
佛之來享

臨津戰亡將士賜祭文

男兜死耳閔凶鋒之橫罹山河宛然拊遺墟而增悼  
使汝至此非予而誰咨爾赴赴干城拒拒貔虎平明  
背水不避井陘之危白日揮戈幾奮魯陽之氣始摩  
壘而賈勇俄結纓而捐生猿鶴沙蟲痛冤魂之靡托  
蝼蟻魚鼈哀戰骨之誰收屬予旋歸值此經過山川  
伊阻與歲時之已遷幽顯雖殊諒誠意之無間茲陳

薄具以寫予情緬懷不朽之忠豈曰無從之涕死者  
可作想英爽之猶存魂兮倘來冀彷彿而或享

真製

諸道戰亡將士賜祭文

肅宗乙酉○臨津隄川金  
化晉州錦山東萊尚州安

陰梁山南原倭  
亂時死節人

永言伊昔降割予家時丁百六歲在龍蛇島夷匪茹  
我邦為讎蛇奔豕突充斥青丘昇平已久人未習兵  
允我將士洎我蒼生鋒鋌所及俱禍以殲或義或烈  
捐生是甘言念當日尚忍容說關防失險賊勢誰遏  
維南與北正當要衝允七八所左彼其鋒靡城不劔



靡人不忠砲丸如雨鐵劍如霜貞其利器躡予戎行  
天時既懟威靈且怒我盡無辜膏被草莽哀哀我軍  
為蟲為猿氣作山河憤結風雲山空野曠飄蕩其魂  
年往歲久饒而其神天星環復舊甲重臻緬懷虛莽  
增予怛然寧無愍章少憫煩冤爰舉祀典遍于國殤  
邊豆既淨牲醴且芳蓋想茲辰泯鬱倍極愴痛若新  
憤恨如昨予所盡傷莫以蠲饘携朋挈儔以飽以醉  
宣揚和氣為邦家社故茲教示庶歆格是

尹曹參議  
尹星駿製

深河戰亡將士賜祭文

忠貞效死固臣子之令名寇亂指生乃邦家之恤典  
人謀天獲天道寧論惟茲建衛小首實是女真遺種  
兵已盈於萬數蟻垤雖依運方訖於百年巢窟當覆  
開七宗之惱恨吠日詬天合諸落之倔強陷城殺將  
載輟舜于之格爰興周鉞之征貢七百之花蹄庶追  
驥尾藉千之瑣甲願雜鵝鷖復父母之深讎汝承  
予意奮君臣之大義爾代某身獻馘報功宜迷魯侯  
之職揅喉助快倘輸晉伯之誠采芑賦行燕忽棲於  
帷幕及瓜添朔蠶亦處於鞮鞣絕塞風霜不耐刮肌  
之苦故園花柳何堪穿眼之望家戶蠲徭俾免流離  
之患妻孥分廩糞資養育之艱玉漏傳籌思枕戈以



不寐瓊羞陳案念炊斗而發嘆赤羽彤弓豈稱情於  
著錫花駿慈鑪聊寄想於遠勞師期卜日而遽臨軍  
令行雷以甚急稟戎機於督府三捷非難奉神筮於  
軍門萬全足賴奪名王之帳破竹勢成犂老上之庭  
曳柴計迫皇靈克振直驅鞞鞞之墟我武維揚深入  
豺狼之窟楚氛甚惡旣愆象緯之徵吳鐸忽衰更失  
神明之助繩橋糧絕萬竈烟沉踈勤援遲三營色阻  
猛將交綏鬻雕狐而奮力勇夫投袂蹈白刃以忘身  
忍辱包羞詐作投圭之韓弁喪師失屬肯為棄甲之  
華元馬革裹屍知壯心之素定鴻毛殞命覺義氣之

益堅再鼓而衰膏川成浪隻輪不返丹溥為林部曲  
何尋不復漢閔之點閱旌旗是逐可憐瀘渡之精靈  
城雉虺崩忍聽杞妻之哭臺始戰敗恡着魯婦之髮  
水有回鄉添別時之怨淚山多望子帶去日之苦顏  
白草黃沙孰焚錢於異域腥雲毒霧永委骨於古塲  
朔北將軍應讓榆溪之壯節隴西校尉還慙毳幕之  
俘囚贈爵褒庸炳遺忠於國史撫孤錄裔衍餘慶於  
家聲式循燕吊之曩章用慰楚殤之毅魄龍盾豹轟  
依備西邁之軍容鳴塞驢灘鬣鬣東旋之行色斷凱  
歌於渭水牛酒誰迎命哀誅於滑臺椒漿遙奠吊弓



有禮情豈異於幽明復矢行成義固逾於存沒形聞  
避座顧寡昧而省愆粉署停筵遣儒臣以致悼雄圖  
不朽張巡之厲賊可期英烈猶存魏顥之酬恩是效  
何嗟及矣尚忍言我

祭江都戰場文

噫嘻丙丁國步幾替金湯失險北軍甚獮克我戎行  
洎乎駐隸鋒鉞所靡罔不殲殪為虺為豺恣厥吞噬  
戰血滔川冤氛暈蟬哀哀我人胡辜胡戾實天殘我  
匪人攸制沙蟲之恨鬱沒荒澁蹟故而陳時往以適  
天星環復又逢茲歲緬想墟莽怛予愴涕脂膏所塗

駢骼所瘞狐兔競奔草蕪誰藝雪雲浩渺溟漲無際  
魂兮往來髣髴瞻醫生既殉國甘心駢斃豈泯然  
無補我世或司河隍壯我陪衛或感風霆驅除瘴厲  
祀秩無文蘭菊莫逮茲舉曠典國殤為例

昌大製

致祭文一 前代王倭

關王廟親祭文

烈烈惟王式闡武功神資拳勇天挺豪雄俎豆天下  
萬古猶生威震華夷義徹幽明一氣撐柱炳然如日  
逝矣偏邦亦欽斯烈幸沾神化陡著新廟瞻聆聳動  
遠邇顛倒燕頤虬鬚森然若見赤兔偃月新回酣戰



願仗餘威殲此兇首保祐東土永賴冥庥

承旨李廷龜製

閔王廟致祭文

三國人才與兩漢並英偉傑特簡冊輝映上下平論  
孰與王競惟王挺生大義是秉兄弟君臣不失其正  
明燭拜書所操彌勁考觀終始忠節斯炳矧彼武畧  
遺傳可證飛騰戰伐大奮威猛名震華夏功業幾竟  
曹瞞孫郎將使聽命睥睨叱咤意氣彌亘視如豎子  
衛青去病中途而廢奈無天幸如彼須臾乾坤可整  
麥城秋風死目不瞑非王之厄炎火已冷歸來千載  
聲烈炯炯馳爵武安追報亦盛神靈所及屢見徵應

昔在龍蛇倭寇有梗天朝將士亦叅廟勝建祠崇奉  
往事可鏡遂微冥隲東土再靖五月之日雷雨有頃  
俎豆香火久致其敬垂閱百年欽我列聖逮今嗣服  
予尤耿耿寤寐之思寧弛乙丙日昨駐蹕東廟是省  
塑像颯爽殿宇肅靜撫念今昔感淚欲迸縈歎不已  
匪風之咏九原可作天下庶定龍刀虛掛駿蹄靡騁  
俛仰宇宙使予心恸寧考有詩非為此興莊誦不忘  
寄想遐躋今當致酌日吉辰令一體南祠宜薦鉅飮  
俾官緘詞予酌斯洞靈其有知庶幾來聽

和製教李秉泰製

閔王廟致祭文

當宁辛丑



惟城東南有廟翼然祗薦香火餘二百年儼然中堂  
遺像凜烈精忠大節炳朗日月萬古一人天下同尊  
王靈斯赫佑我東藩東藩永賴繫誰之恩粵在列朝  
崇奉斯虔逮予嗣服罔敢或愆棟宇之繕敢曰盡誠  
遺志是述廟倣武成歷拜春秋畧申微忱昨又駐蹕  
餘懷在心寔感冥隲王庶幾監於乎可忘斯須靡忽  
一體兩廟築牲是潔

內閣知製教  
鄭東峻製

關王廟致祭文

當宁壬寅  
有赫明靈萬古風烈撐拄宇宙照炳星日尊以王祀  
率土攸同神威不化昔造吾東八月吳門白馬騰空

起滅俄頃風雷無痕山河重圓草木知恩沒世必報  
列祖惟虔祠宮在彼英姿如昨有叩輒應冥佑不忒  
昨予東出歷謁廟門鐵劍生花土馬連錢曠世起感  
餘懷靡歇仵官替陳選日齋潔尚冀顧歆永垂靈隲  
兩適有漏時又云吉并告葺修祗薦芬苾

內閣知製  
教徐有防

南原府關王廟致祭文

當宁甲辰  
於赫王靈佑我東方秋霜凜節日星齊光歲時香火  
隨處虔誠帶方城外遺像肅清赤兔青龍如水在地  
二字率額敢曰表意昨拜東廟餘懷耿耿朱袍紋冕



三聖祠致祭文  
煇然新整有事祇告於禮則然爰命藩臣祇薦豆籩

內閣知製教  
李崑秀製

三聖祠致祭文

當字辛丑

於赫檀君首出我東德合神明運闢鴻濛孰克啓之  
粵有二聖濬發其祥誕膺明命天符寶篆事雖無徵  
神聖相仍東史攸稱世傳幾葉澤留千奠萃彼阿斯  
地以人靈廟因舊跡禮重溯源每歲香祝一體銅樽  
昔我寧王載新規畫今茲替酌是繼是述予雖否德  
神人所依誠惟不愆靈庶無違保之佑之壽我宗國  
穀我士民豐我稼穡靡我多求維神之責

內閣知製  
教李秉模

製

崇靈殿致祭文

當字辛丑

維嶽會精有苑檀木篤生神人並堯而作如日方昇  
遂有朝鮮混沌初闢人文漸宣嶺海之西遼野以東  
始君始長永彼神功太師設教夫子欲居為嘉乃俗  
不顯厥初我家文明亦自多賴報豈或愆澤猶未沫  
翼翼西京廟貌有佻爾祖揭詩寧王宣額秩我祀典  
歲厥明裡眈予寡躬忝主神人粵瞻清沮曠世馳情  
矧茲替酌列朝攸行地莫云遐誠有不隔尚克歆斯  
誕垂陰隲

內閣知製教  
李秉模製

文苑補

卷二十八

致祭文

三十一



文苑補遺 卷二十八  
崇仁殿致祭文  
維我東壤粵在偏裔古初荒僻人文未哲首出檀君  
生並堯世神祖靈邈仁聖聿繼嗟我仁聖遭時昏穢  
志決靖獻義甘藏晦高宗既喪洛範將廢尊師禮至  
陳道責大以聖傳聖時亦有待民彝皇極萬世永賴  
攸賓罔僕我尋初誓我瞻茲墟界絕區外匪係職方  
匪預聘會茫茫殷土滔滔際海賁然來斯曠發蒙昧  
八條始設畫倫盡制導我仁義率我孝悌過存知化  
法俗丕改絃誦侏儻衣裳鱗介聲名炳燿駢美三代  
博施遐遠唐虞所闕匪封伊居寔天攸丐民到于今

見稱守禮伊誰之力得免聾聵千秋報祀有儼臨沮  
神泉齋湧古猷留滄歷越羅麗崇奉罔怠爰及本朝  
尤嚴奠菜煌煌九疇表裏豕繫推原天道誕垂明戒  
戒暴榮獨戒淫朋係予讀遺編悅然神契恒存可几  
若承警欵山川阻夙未展瞻拜有敬齋心緬懷永嘸  
肆遣近臣替將薦酌庶垂歆格啓佑不逮  
大提學金錫胄製  
崇仁殿致祭文

理出於天龜現于洛妣王攸叙人文賁若煌煌九疇  
樞在皇極匪我聖師孰闡其曠日星其言昭哉簡策  
天道人彝指嚮歷歷一極之敷萬世為的惟其標準



有國攸式王道如砥會歸有則炯戒淫朋明詔後辟  
曰無偏係乃遵正直至善所在如屋有脊大公所建  
如辰拱北維蕩維平匪反匪側君民相濟觀感無數  
錫我保極欽我五福永世遵此無有邪僻厥訓孔彰  
其利乃博烝我仁聖德賊身阮繫茲青丘天惠聖澤  
八條之教不鄙遐邇皇王大猷既垂六籍推其緒餘  
化此荒樸芒芒後代孰敢扞格歷數汗青亂亡何續  
一轍滔滔朋比流毒甘陵傾軋牛李偏愚朔蜀林浙  
或燼或削本朝黨習年越二百燎原滔天禍人宗祏  
予創若是寤寐傷盡遺編在可警欬如昨潛孚默契

心體膺服磨以歲月納于矩矱庶感豚魚庶透金石  
英靈所騰精誠所積三十一年苦心底績尚幾平康  
俾通適莫曷有罹咎曷有沾溺源流本末靡不究覈  
或懲或勸受以康色厥初最靈豈有不覺義理昭闡  
邪曩消熄卿士既從罔或背或暨我庶民咸造于穀  
僉曰大同誓共精白天路甚夷九軌洞廓駕我正轡  
勿徐勿亟東西南北四無障隔惟此功用俯仰反覆  
莫非聖謨大達是迪道統之傳敢曰有獲祇遵遺則  
以永敷錫沮水洋洋為紀于國并備前牒畎依舊畫  
崇奉禮備有儼楹楠欽我玄化千載於穆白馬素嘒



如可仰觀先正有書增我感惕大人之變而予何力  
興言永念吉辰斯擇替薦芬苾冀垂歆餼

弘文提學  
鄭軍良製

東明王廟致祭文

嘗守辛丑

天錫勇武爰定伯畧奮身逃難披荒立國三俊應辰  
景命攸屬松壤既附肅慎是罄民到今稱律彼紇骨  
肆惟列祖崇報罔缺秩以中祀鎮于西服予讀遺乘  
每感偉蹟生既炳烈靈必有赫克配檀祀永扶撞城  
載命守臣敬奠泂酌毋我以遐歆此芬馥

丙閣知製  
教李秉模

百濟始祖廟致祭文

惟王神明之後王室之英睿智勇武天所挺生德因  
憂大治由亂成初從十濟肇基六百仁聲入人疆土  
日闢喪慈孺慕遇災身側疆隣迭侵耻與聞力乃景  
乃罔漢南是宅大王踰梁周公卜洛天府沃野地形  
巖邑匪惟崇墉衆心成城孰敢侮予四方以寧顯我  
其謨巍乎其功河山逶迤佳氣鬱葱一代遺墟千古  
餘風屬予忝位慮存不虞撫王往迹慕王雄圖一二  
臣同事既有就堞壘惟新城池乃舊江淮是保晉陽  
非遠向在蒼黃西駕中返吾何走乎南渡依歸風雨  
孤城月暈重圍數粒而炊一髮其危惟禱于王陰祐



隨之紫焰纔噓飛廉輟吹王靈孔赫有夢神威捷自  
西偏東南相繼終雖不武乃予力腕全而復國繫王  
之濟倚歎盛德寤寐何忘爰命有司乃修壇塲屋而  
尊之以俎豆之千秋萬歲陟降于斯永鎮東國逆消  
妖氛虔罄微誠庶歆苾芬

大提學李景奭製

高麗太祖陵致祭文

律彼松嶽龍飛鳳舞篤生異人氣蓋區宇維時東土  
塗炭孔酷載闢載紱繫王功德操鷄搏鴨左屠右翦  
薄海威聲如雷如電金甌再完統三為一垂統五百  
樹立宏達鬱鬱園陵宛然象設式至我朝掃灑罔缺

雲仍恪守麟馬儼列輦過是日曠感如昨倅官致虔  
薦此洞酌

致祭文二

天朝將士

揚遊擊致祭文

王師恤難震威靈於賊巢烈士臨危捐性命於戰陣  
名聞兇虜氣壯本朝昔陪賓筵恭瞻德宇離違幾日  
佇鏡凱之言旋旌節空回悅音容之若接云何上天  
不吊固非小邦之由遺恨徒存幾灑英雄之淚精靈  
不死定售殺賊之心嗚呼素幔依依鄉路杳杳襄陽  
之部曲無主渭濱之營壘空餘馬革裹屍既遂男兒



之壯志麟閣圖像應垂竹帛之芳名跪奠菲誠一慟

長訣 大提學李廷龜製

史遊擊儒致祭文

天朝恤小拯患難於下邦壯士含恩捐性命於行陳  
聖稱其孝史錄其忠予愍將軍之力盡驅馳痛王人  
之身委草莽敢設菲奠庸慰冥途事係我家寧寢食  
之可忘名留殊服想英爽之在茲 大提學李好月製

陳御史致祭文

惟靈元精鍾嶽九苞瑞世舒華軼群夙颺天陞焜耀  
昌時燦其羽儀提綱執憲茂著英徽屬我藩邦久罹

毒孽六師東臨特膺欽察錫盾雕戈簡命之篤仁惠  
春煦威稜霜肅弛張愜宜繩墨中式玉帳神馭金韜  
秘畧指揮一定熊羆結束鯨鯢屏跡氛祲永廓日輪  
暫輟驚濤已息念茲皇靈唯公克體奉以宣覃無遠  
不屆繡衣纒旋馳馭將返乍接晤言莫申諄款邦圖  
奄忽遽隔芳塵祭戟朝敵總帷夕陳天胡不吊我懷  
之恫心焉如割涕愧無從二年荒徼千里霧露辛勤  
劬勞小邦之故舍恩實多荷德偏瞻杳杳關河遙遙  
素輅敢薦洞酌冀格菲誠 大提學申鈺製  
滄死水兵千總致祭文



文苑補遺 卷二十八  
惟靈胸藏萬甲豪出千人涉萬里之風波忠義是仗  
擊中流之舟揖性命惟輕龍驤幾搗於賊巢鷄首奄  
沒於鯨波何邦命之無祿痛天意之難諶溫序之旅  
櫬未歸幾結洛陽之夢子胥之怒魄猶存應隨浙江  
之潮菲誠遠陳不昧斯享

大提學李廷龜製

### 滄死天兵致祭文

蠢茲殘孽竊據邊圉肆其狂桀王師有征蹴彼堅城  
踰令雷霆揀其健銳航之在海經繞賊背組甲照水  
弓砲効技千里順俟天心弗享風勢忽壯波濤震盪  
檣摧掉折盡船顛沒幾箇英烈邦之無祿罪在不韋

有痛誰極南嶺蒼蒼東海洋洋此恨茫茫緬彼江干  
築地為壇蕉黃荔丹魂之在此如水在地庶幾歆只

大提學李廷龜製

### 王千總致祭文

精分北落氣毓西唐挺乎其才寔惟干城而稟之雄  
允邁虓虎胸藏韜畧迹奮行伍六師其東繫膺簡擢  
躍馬前驅喬矛大戟接桴鼓勇飲血登陣兇渠死咋  
一鼓可夷天心不享茂績中虧蜂蠆有毒壯士捐軀  
邦之無祿罔非予辜天之何為此痛焉極上負恩光  
下愧英魄幽冤糾結脩夜長昏旅櫬遙遙萬里川原



不昧者存盼蠻孔昭敢陳菲誠庶歆大招

大提學  
中欽製

盧遊擊致祭文

山西猛氣薊北雄風神韜秘畧佐我元戎屬國有難  
帝命征之金羈鐵馬十萬其師揚鑣海嶠弭節荒陲  
奮厥威武剪賊是期嘗兵晉城直衝堅壘唾掌先登  
兇徒自靡醜魄已奪毒鋒猶勁命殞中途功未克竟  
捷書朝飛凶報夕聞風摧大樹雨淫三軍旌旗愁色  
蕭鼓悲聲凌煙新像細柳故營將曜淪亡邊風黯慘  
名成身沒在公何憾撫躬長痛顧予則多昔公去矣  
畫戟雕戈今公來思丹旆素帷川途杳邈萬里天涯

復矢有魂異鄉誰托旅櫬初歸幽明永隔載侑之觴  
載薦之俎物菲誠腆尚予歆願

弘文提學  
李晬光製

喬遊擊致祭文

襟標貞爽器度雅裕北平威聲南國逸步介冑之  
特經濟之具遠海重寄風雲殊遇蠢茲奴首憑險  
恃固屢侵疆場敢拒干羽問眾有征乃赫天怒六  
郡赴徵三川應募黃河灌螢白額搏兔小郡奮義  
益殫侯度為王前驅悉發敵賦公董左翼夾江來  
駐誕將皇賜載勞我戍直擣計壯深入機誤既絕  
援兵且阻餉路勝敗何常死生有數決陣潰圍鼓



衰旗仆命輕危崖功虧大樹臨絕寄子一封尺素  
真宰感動鬼神泣訴熊掌是取鴻毛肯顧棟摧華  
構輻腕玉輅褒秩崇加恩綸浚布青蠅作吊烏薦  
為聚弓劍委野衣冠藏野鴨江波急鳳城日暮曾  
荷佳贐未贈哀賻昌城遺跡物色依舊數行文字  
遠懷攸寓替奠椒醑涕泣如雨

李爾瞻製

劉都督致祭文

奎昊降精華岳孕美名虎再生卧龍復起玄女授  
符黃石墮履昔在東征再造中否皇恩不忘公惠  
攸恃臨托幘幪感鑄骨髓驕虜猾夏毒肆蛇豕敵

王所愾父母孔通執爨以行厥有用持惟公仗鉞  
雄畧卓峙祇領寵錫荐臨敵鄙軍旅鼓舞草木喜  
迎直指巢穴可制尺箠兇鋒大挫觸編怒咒師期  
失違遽呼庚癸如暈重圍如雨集矢平陽裏瘡真  
源嚼齒非戰之罪不救而視自投焚如能死其死  
天柱忽折長城終毀義揭三綱名耀千祀鋪張董  
史歲蕤潘誅哀詔優恤褒典架侈顧予不幸奄失  
所庇天理難憑人事至此披閱咨揭緬懷模軌英  
姿入夢壯談在耳雲暗衛廟風寒易水專馳賤价  
用薦籩簋

李爾瞻製



宣武祠致祭文

睽彼城南有廟邗邗松楸栢極永尸祝之所思維何  
 中朝大人猗歟盛烈百世難護粵在龍蛇島夷肆螫  
 左海生靈為魚為肉公時承命聯翩來東蕩掃妖氛  
 爰奏膚功拯諸塗炭真之衽席海晏日朗鯨鯢帖息  
 威靈誕宣藩邦再造世世報祀於焉寓慕滄桑一變  
 非復王春昊天不復尚醉于鶉先君義起墀于苑止  
 值時涖灘肇祀萬曆逮至寡躬益虔靡懈年代寢遠  
 此義易晦何以闡揚毋遏前光於休聖祖亦粵毅皇  
 終始惓惓字我偏藩恩深錫誦義炳扶顛一體崇奉

於禮則然茲消穀朝載薦吉蠲三皇盛德同日以祭  
 匪予創行先志是繼顧瞻中州九土腥膻唯此黃墳  
 一片淨乾赫赫皇靈陟降在茲風旗肅然如見漢儀  
 泉臺有知公必忻慰列侍洋洋前護後圍風雲感會  
 一理靡忒魂兮歸來捨此何托縹緲繞訖予心增悲  
 忤我近密瀝我忱辭祇告厥由仍奠薄具不昧者存

庶冀歆顧

知製教 鄭宗製

致祭文三

麗朝忠臣

文忠公鄭夢周影堂致祭文

天挺人豪粵在麗季英偉特達出倫拔萃首倡絕學



深造遠詣論說橫豎默與道契濬發淵源艾闢榛翳  
鼓舞攸賴俗變魑髻士藏庠序禮正喪祭絃誦洋洋  
詩書六藝儒教丕闡罔曰夷裔遐溯箕聖直接統系  
施及本朝蔚有承繼斯文盛業振古鮮儷炳然義烈  
在公猶細其所扶樹功亦百世遺澤在人曷可數計  
肆惟列聖褒寵靡替匪直酬報亦以勸勵瞻茲遺像  
歷數百歲棟宇壞漏懼將黜昧矧是家廟實妨瞻禮  
爰命有司立屋移揭位置始尊幘軸無敞衿紳咸聳  
有來濟濟涑水衣帶漁翁先霽觀者凜然若親奉袂  
予庸注想薄致肴醴英爽未泯庶幾來屆

大提學金昌協製

杜門洞高麗諸忠臣致祭文

守節不貳臣道之常顯忠褒烈著在禮章我朝受命  
應天順人聖化攸及率普皆臣爰有麗民七十有二  
罔臣罔僕自靖其志有洞曰何有門斯扃閉而不出  
晦跡匿形其身雖廢其節不沫抱忠守貞之死靡悔  
後有不朝前有掛冠顧名雖殊取義則班維曹維林  
維姓之孟傳者有三餘莫記省予昔歷茲顧詢遺趾  
躊躇興感予懷曷已事蹟漸遠文獻無徵欲勸于後  
其無衰稱持書大書有十四字庸豎貞珉庸表予意  
想像遺烈搜訪滋膏泪方視位以壇以祭牲酒蠲潔



黍稷維馨百世何遠永樹風聲

知製教尹  
光製製

杜門洞高麗忠臣林先味曹義生孟姓人致祭文

當守壬寅

昔周代商其命維新望叶雲霓理順天人口有夷齊  
獨辦一死歌傳翠薇義炳青史粵我國初武定文昭  
揖讓午會干戈甲朝猶彼義士不附大邑譬古二子  
又加七十春花落盡雲劫浩真三仁獨傳建蹟難徵  
睽彼古巷尚有杜門聖祖垂褒刻石絲綸事曠滄桑  
安靈無所迺詢居留奠以俎豆餘四百年始舉闕典  
諏吉拋樑不日功俛一區棟宇神兮徜徉成均之側

隣近崧陽姱節雙峙皦如白日佯官奠酌庶幾歆格

內閣知製教  
尹行任製



文苑黼黻卷之二十八

Blank writing area with vertical lines.



